

Uitspraak den caso De Meza contra DIMP lo ta otro siman diaranson 4 di juni



- Hues ta propone partidonan trek in tur caso relaciona cu hotel Secrets

Pagina 2

- MEP ta presenta cambio di ley pa inclui cuida preventivo y salud mental den AZV

Pagina 2

- Lo habri Stadion Guillermo Prospero Trinidad pa weganan di futbol

Pagina 4

Muchanan den scandal di bijstand ta demanda estado Hulandes pa compensacion



St. Vincent and the Grenadines: Boto bandona y 11 curpa descubri cu paspoort di Mali



Rusia ta critica Serbia pa suministro di arma na Ucrania


% TUI DEALS
CRUISE

CARIBBEAN SEA

Miami - Mexico - Honduras - Bahamas - Puerto Rico - Jamaica
Full board, excl. flight to Miami, 8 days

starting from
AWG 1099,-
per person



For terms and conditions, please visit www.tui.nl

Scan for the offer

Mientras hotel ta prepara pa tin su apertura otro siman...

Hues ta propone partidonan trek in tur caso relaciona cu hotel Secrets

Diaranson ultimo den corte tabatin un audiencia relaciona cu un caso mas den e saga legal largo di hotel Secrets Baby Beach. E biaha aki, hues a trata un bezwaar entrega pa abogado Anthony Ruiz, representando Three Rivers Real Estate, e desaroyador di hotel Secrets, contra minister di Infraestructura.

Presente den corte tabata mr. Ruiz y mr. Reinkemeyer representando Three Rivers Real Estate, mr. Emerencia di banda di gobierno, y abogado Boyce, kende a clarifica cu tabata presente como un belanghebbend den capacidad priva.

Hues a habri e sesion indicando cu lo duna apenas 10 minuut pa cada partido duna un declaracion, pasobra el a indica cu ya e ta cla caba cu e tur e proceduranan den e caso aki. Hues a pidi mr. Ruiz tambe pa confirma cu e hotel Secrets ta bay tin su apertura dia 5 di juni proximo, cual Ruiz a sigura cu esey ta e caso.

Mester remarca cu e problema legal entre hotel Secrets Baby Beach y e habitantenan di Sero Colorado ta uno largo, cu tin años caba den un bay bin di bataya legal entre e partidonan.

Principalmente, tin un grupo di habitante di Sero Colorado, representa pa Boyce, cu



no ta di acuerdo cu construcion di e hotel, y a bringa esaki cada stap den corte. Principalmente, e habitantenan ta considera cu mester trek in e permiso di construcion di e hotel.

Entre otro, e habitantenan a yega di argumenta cu e bouwplan di e hotel ta contra ROPv, den sentido cu e percela ta destina pa construcion di un hotel di maximo 600 camber. For di e situatie tekening y condicionnan general di e otorgamento di e tereno erfpacht por saca afo cu e intencion ta pa pone un edificio di 900 camber. Tambe tabatin preocupacion tocante e delimitacion di e tereno, e impacto ambiental y e permiso di molester – den tur esaki tabatin falta di claridad, y obhecion di e habitantenan. Por recorda cu na dado momento, Corte a hasta para e construcion di e hotel mientras e cantidad di caso tabata siendo trata.

Pero eventualmente, hues a permiti pa e construcion continua, y awo ta asina leu cu e hotel a lanta, y hasta ta bay tin su apertura den apenas algun dia.

Y esaki ta e punto riba cual hues a enfoca durante e ultimo sesion, bisando cu tin hopi procedura contra construcion di e hotel, pero toch e hotel ta construi. El a bisa cu pa awo lo ta miho pa e partidonan stop di enfoca den pasado y cuminsa mira pa futuro, indicando cu e situacion awo ta loke e ta.

Mr. Ruiz a bisa cu e abogado donan ta cansa caba di e proceso legal largo, cu su clientenan mes, esta Three Rivers NV, lo prefera pa resolve e problemanan entre e partidonan. El a bisa cu tabatin combersacion cu e habitantenan – y a duna di comprende cu esaki ta inclui abogado Boyce – pa purba di resolve e

problemanan y yega na un acuerdo entre e partidonan, pero el a bisa cu e pensamiento tabata parce di ta simplemente cu e hotel “no mag di bin.”

Den opinion di hues, e bataya legal entre e partidonan a cuminsa bira mas un pelea entre abogadonan en bes di un caso legal legitimo. Door cu e audiencia aki tabata especificamente riba un bezwaar entrega pa Three Rivers, hues a opina cu tabata parce cu e caso aki tabata djis pa haci bida di e habitantenan dificil. El a bisa cu sigui cu e caso aki, mientras ya e hotel ta cla pa apertura, no ta bay ta bon pa e relacion entre e partidonan cu ta comparti e area.

Pa e motibo aki, el a sugeri pa yega na otro y busca pa e hotel tin bon relacion di bisiña cu e habitantenan. Principalmente pasobra e hotel t'ey caba, y awo no ta bay kit'e mas.

Sinembargo, e partidonan a nota cu ainda tin cantidad di procedura legal habri, casonan cu ainda mester resolve. Hues a pidi pa bin cu un lista di tur e casonan aki, pero a sugeri pa kita tur caso for di mesa.

Den esaki, abogado Boyce a expresa obhecion pasobra tin mas cu un partido involucra den e caso. Por ehemplo, tin caso di Boyce como persona priva, y tin caso den cual

Boyce, como abogado, ta representando otro habitantenan. E no ta haya cu mester trata tur caso comosifera tur ta mescos, of cu mester kita tur caso for di mesa pa resolve un disputa cu Three Rivers y gobierno di Aruba. Tambe su preferencia lo tabata pa hues duna un veredicto den e caso specifico aki.

Di su banda, mr. Ruiz a bisa cu – pendiente un combersacion cu su cliente – e ta considera cu nan ta dispuesto pa kita tur caso for di mesa, pero tanten cu berdad ta dicidi pa stop TUR caso. Abogado Boyce a keda di consulta cu e otro partidonan riba e posibilidad pa trek in tur caso.

Atrobe hues a bolbe sugeri pa e partidonan sinta na mesa y yega na otro pafo di corte. El a bisa cu e tempo cu nan a sinta den corte discuti, nan por a sinta na mesa cu otro y resolve nan diferencianan. Na final, e partidonan a bay di acuerdo cu e sugerencia di hues y a keda di sinta cu otro proximo siman. A suspende e caso pendiente e sucesonan aki.

A pone e siguiente audiencia pa dia 25 di juni proximo. E dia ey, e partidonan lo mester duna hues un update di nan combersacionnan. Hues a indica cu den caso cu e partidonan no logra resolve entre nan mes otro siman, e ora hues ta bay haci un uitspraak dia 25 di juni.

MEP ta presenta cambio di ley pa inclui cuido preventivo y salud mental den AZV

Fraccion di MEP a presenta diaranson na Parlamento di Aruba un proposicion di ley pa cambia e ley di AZV, Landsverordening Algemene Ziektekostenverzekering. Cu e proposicion aki, MEP kier pa cuido preventivo y cuido di salud mental wordo inclui explicitamente den e pakete basico di AZV.

E proposicion ta duna un base legal pa AZV cubri entre otro programa di screening, intervencion pa promove salud y yudansa psicologico. Cu esaki, MEP ta tuma un paso importante pa logra un sistema di salud mas sostenibel y humano, cu ta pone enfasis riba preveni en bes di cura.



“E presion riba nos sistema di salud ta sigui subi, y e gastonan tambe. Inverti den prevencion ta e unico manera pa mantene cuido pagabel y accesible,” segun e inicia-

dornan di e ley: Señora Evelyn Wever-Croes, Señora Shailiny Tromp-Lee, Señor Dangui Oduber y Señor Rocco Tjon. “Ademas, nos no por sigui negligisha e salud mental



di nos comunidad. E cambio di ley aki ta reconoce cu bienestar mental ta mes importante cu salud fisico. Awo cu tin espacio financiero, mester amplia e cuadro di AZV cu e

dos areanan aki.” MEP ta haci un yamada na tur fraccion den Parlamento pa duna sosten amplio pa e proposicion, den interes di salud publico.

Uitspraak den caso De Meza contra DIMP lo ta otro siman diaranson 4 di juni

Diaranson merdia a tuma luga tratamento di caso cu candidato pa minister Mike de Meza a entama contra Departamento di Impuesto, relaciona cu e proceso di screening pa su nombramento como minister.

E yegada di de Meza na corte tabata marca pa un cantidad di su sostenedornan como tambe di partido AVP cu tabata pafo brindando apoyo y palabranan di aliento na e candidato pa minister mientras e hunto cu su team tabata cana den direccion di portanan di corte.

Pa loko ta trata e tratamento di e caso mes esaki a inicia cu hues puntrando de Meza kico ta e esencia di e caso y dicon esaki ta uno importante pa su persona, na cual de Meza a contesta cu durante e ultimo lunanan el enfrenta un cantidad di critica contra su persona, su caracter y su integridad, cu e ta remarca ta simplemente falso.

De Meza a subraya cu ta importante pa su persona pa e situacion aki termina no solamente pa e por bira minister, pero tambe pa termina cu e difamacion cu de Meza mester a enfrenta di parti di politiconan di oposicion riba rednan social y den algun medio di comunicacion.

El a splica na hues cu e caos aki a cuminsa pa motibo cu el a pidi un declaracion di fiscal gedrag na Departamento di Impuesto (DIMP), ya cu esaki a ser pidi pa e formador, awor prome minister Mike Eman, pa asina e por nombrela minister di su gabinete, pero DIMP no a kier duna de Meza esaki.

Assistent di Desiree Croes, abogado di de Meza, Sr. Edwin Duijneveld a trece dilanti e punto di un "voorlopig voorziening", cu ta un declaracion temporal emiti pa e hues mes cu de Meza lo por haci uso di dje despues cu e hues dicta su veredicto.

Despues abogado Croes argumenta cu henter e proceso aki a pone un mancha riba integridad y nomber di su cliente. Un pregunta cu e abogado a trece dilanti ta relaciona cu e hecho cu a pesar cu DIMP mes a indica cu de Meza no tin debe mas ni tampoco areglo di pago na e



momento aki, pakico DIMP no kier duna su cliente e declaracion cu a ser pidi pa asina por entrega esaki na e formador, awor prome minister. Pero segun abogado Croes, DIMP no ta duna un motibo pakico no kier haci esaki.

E abogado a resalta cu si DIMP tene na cuenta solamente cu e aspecto si un individuo paga su impuesto y entrega su papelnan semper na tempo, e ora ningun persona lo por haya un declaracion pasobra, segun e abogado a conta di su propio experiencia, ta completamente posibel pa un persona faya den algun ocasion y no entrega e papelnan necesario na impuesto na tempo, of paga locual mester paga na tempo.

El a hasta menciona cu su cliente en berdad no semper a cumpli cu e deadline na entrega su papelnan na tempo, pero el a indica cu esaki ta simplemente hacie humano.

Awor de Meza a guma e pasonan necesario pa pone tur su cosnan den orde y a paga loko mester a paga, sin areglo, pa cual el a pidi un declaracion nobo, cu ta relevante pa e proceso di screening pa minister, cual ta unda e desacuerdo entre e partidonan ta sinta.

Di su banda directora di DIMP, Gomez-Pieters, a splica con e proceso a cana, e entregamento di carta y peticion di parti di e de Meza y su ekipo y tambe a indica con e proceso tin cu cana y kico ta e condicionnan cu mester cumpli cune pa por ricibi un declaracion di fiscal gedrag, manera cu esun cu de Meza ta pidi.

El a clarifica cu no tin ningun tipo di discriminacion of atake personal contra de Meza, pero ta simplemente



con e proceso ta cana, y ta basa riba e naturalesa di peticion cu de Meza a haci, cual ta pa minister, cu ta forma parti di un proceso di screening mas riguroso cu mester tuma luga.

El a remarca cu no ta den man di DIMP pa dicta si un candidato pa minister por bira minister. Esaki ta den man di e formador cu ta basa su decision riba e resultado di investigacion di diferente entidad, no solamente DIMP.

Pa loko ta hues, anteriormente e hues encarga cu e caso a manda un lista di pregunta pa ambos partido y a pidi contesta riba e preguntanan aki prome cu e tratamiento di e caso a tuma luga, cual e partidonan a cumpli cune. Durante tratamiento, despues cu ambos partido a presenta nan argumentonan, hues a dirigi algun pregunta na ambos banda pa asina por tin informacion mas concreto y corecto posible pa e por tuma su decision, cual el a dicta durante uitspraak cu lo tuma luga diaranson 4 di juni pa 4or di atardi.

Despues cu e tratamiento a termina na salida di corte de Meza su sostenedornan tabata en espera di dje ainda y hunto cu su ekipo el a duna un declaracion na prensa.

Abogado Croes a expresa cu nan a sali "cu un sentimiento hopi positivo" y a indica cu nan a sinti cu hues a "dal e clabo riba su cabes" y a puntra tambe pakico eigenlijk ta tratando de Meza diferente cu otro ciudadano na nos pais.

"E punto di mas importante ta cu no por tin un discriminacion. Ta trat'e diferente cu henter un storia unda ta acus'e di mil y un cos. Y hues a puntra tambe si el a paga tur cos, esey a ser ripiti por lo menos cinco pa seis biaha awe cu tur cos ta paga, no tin niun debe, no tin nada cu por stroba de Meza di haya su declaracion di fiscal gedrag," el a indica.

Di su banda de Meza a expresa cu e situacion cu ta andando ta incomprendibel. El a indica cu tin weganan po-

litico ta ser hunga y mirando kico ley ta prescribi, con e screening tin cu tuma luga, y mirando con ambtenaarnan ta husga su persona incorrectamente, skirbi cosnan sugestivo, acusacionnan cu no ta corecto y ta usa esey continuamente, e no por keda keto mas.

"Crea ambiente negativo pa perhudica un politico, of un partido politico of un direccion di politica na Aruba, esey ta algo cu ami ta rechasa fuertemente. Hopi hende porta a hala atras, pero ami ta para contra di tur inhusticia, hasta si mi tin cu para mi so mi lo para contra esey," el a enfatisa.

El a expresa cu e situacion aki ta un smaak amargo y ta haci cu e ta cuestiona kico ta e storia tras di e storia y kico ta e intencionnan den esaki. "Ta gewoon increibel cu ta bay 16 aña atras riba algo cu no ta existi pa crea un ambiente como si fuera cu e tempo ey a haci algo. Ley ta papia di ultimo cinco aña atras pa busca, pero DIMP a bay mas cu esey," el a subraya.

Lo habri Stadion Guillermo Prospero Trinidad pa weganan di futbol *pero lo cera back despues pa no stroba acreditacion di e atletiekbaan*

Recientemente minister di Deporte Gerlien Croes a duna un actualisacion relaciona cu e proyecto di renobacion andando na Stadion Guillermo Prospero Trinidad. Despues di algun siman cu a tuma pa haci un inventarisacion, a logra sali na cla kico ta e situacion actual y tambe a anuncia cu lo habri e stadion pa algun wega di futbol.

E mandatario a splica cu despues cu gobierno a haci su entrada no tabatin informacion di kico tabata e desaroyonan specifico cu detayes di e proyecto y inversion cu tabata ser haci na Stadion Guillermo Prospero Trinidad.

El a indica cu na cierto momento como minister e mes- ter a tuma e decision pa tuma e rienda back di e facilidad y a haci peticion pa entrega di tur e yabinan di e edificio. Alabes a haci cierto cambianan y a apunta e momento ey un projectleider.

El a sigui splica cu te unda tabata ser bisa na su persona, pa dos aña y mey e proyecto no tabatin un projectleider. Esnan cu e tabata ser referi na dje tabata laba man y tabata indica cu nan sa a informacion di e proyecto pero no tabata projectleider.

Aworaki cu gobierno a tuma e facilidad back den nan man a apunta un projectleider oficialmente. El a indica cu e persona aki ta un ingeniero profesional y a bay haci su inventarisacion di e proyecto.

Minister Croes a remarca cu un di e retonan grandi cu tabatin cu e proyecto aki tabata cu tabatin hopi contratista y cada un a haci un trabou los. E no tabata un proyecto cu a ser carga door di un solo compania cu awor por bisa facilmente e compania ta entrega tur loke el a haci y esey ta cla.

“Parti di construccion a ser entrega door di un compania, luznan a ser haci door di otro dos compania, e turf a ser haci door di un compania, e baan a ser haci door di un otro compania y fuera di esey tabatin contratista chikito haciendo varios trabou. E tabata un inventarisacion basta grandi cu mester ser haci y nos ta kere nos ta casi cla pa locual ta inventarisa tur e trabounan,” e



mandatario enfatisa.

El a agrega cu na caminda cu e inventarisacion a identifica cu e parti di futbol ta hopi mas desaroya, cu e parti di atletismo.

El a splica cu pa loke ta e construccion di e edificio, na e momento aki esaki ta practicamente cla, pero falta algun cos, por ehempel tin bañonan cu no a ser renoba den e proyecto, y e gym no a ser renoba. Segun e mandatario esey ta cosnan cu por ser haci ainda y no tin e urgencia pa keda cla awor.

El a menciona tambe cu pa loke ta e tribuna band'i panor, a verf e tribuna, pero e parti di ingenieria mes locual ta beton di e tribuna, no ta den estado y mester drecha esaki, pues no lo por haci uso di e tribuna aki pasobra e no a ser renoba completamente y e ta hopi riesgoso pa hende haci uso di dje.

Minister Croes a sigui splica cu pa loke ta e aspecto deportivo, e parti di construccion nan lo bay atende cune poco poco. El a indica cu e turf di futbol ser instala, y a haya contacto cu e compania cu a haci e instalacion y nan a logra papia cu nan tocante kico ta e mantencion cu mester haci pasobra ta importante na momento tin un proyecto pa ta na altura con lo mester mantene esaki.

El a agrega cu e luznan di e veld tambe ta practicamente

cla, solamente tin algun trabou chikito cu mester ser haci eventualmente, pero pa cu futbol e luznan por ser usa.

Pero pa loke ta trata e parti di atletismo, e mandatario a remarca cu esey si falta ainda varios trabou. El a splica cu e atletiekbaan a ser instala, pero e posicionnan di start tin ahustenan cu mester ser haci, tambe tin algun material cu no t'ey, y e santo cu atletismo tin mester wak na cual pais por pidi esaki.

“Tin varios cos cu no ta cla y nos tin cu purba toch tene cuenta cu a haci inversion como pais, den e caso aki Lotto pa Deporte a haci varios inversion. E proyecto aki nan a calcula un suma cu aworaki ta hopi mas cu dobel di e suma aki, por lo menos cuater pa cinco miyon extra cu practicamente tin indicacion cu Lotto a carga. E ta un proyecto hopi costoso y mester garantisar tambe cu e acreditacionnan ta debido di e trabou cu ta ser haci,” minister Croes a subraya

Relaciona cu e parti di futbol, e el a splica cu tin un acreditacion caba. El a indica cu si a cumpli cu cierto otro rekisito, por ehempel camber di referee y baño, por a haci e acreditacion mas amplio, pero e veld mes ta acredita pa ser usa.

Di otro banda e parti di atletismo ainda no ta asina leu.

E mandatario a enfatisa cu nan no kier dañá proceso di un posibel acreditacion di e atletiekbaan. Pa e motibo ey a nan tuma contacto cu e compania cu a entrega e atletiekbaan, nan a combersa cu nan, y nan a informa cu haci uso di e baan manera cu e ta aworaki ta haci e posibilidad di esaki ser acredita hopi chikito.

El a informa cu alabes tin un otro desaroyo pa cu futbol. Segun el a splica tabatin compromiso cu a ser haci basta siman atras pa weganan internacional tuma luga na Aruba den e Stadion Guillermo Prospero Trinidad.

Esey, minister Croes a splica, tabata prome cu full e proceso cu no tabatin e overdracht debido. El a splica cu esey ta nifica cu si Aruba no cumpli cu e palabracionnan aki e no ta laga Aruba den bon standing cu Fifa.

Den e contexto nan a cuminsa considera kico por haci y nan a tene combersacion hopi largo cu AVB y e clubnan cu tambe tabata presente, y a ser indica cu si laga e dos weganan internacional tuma luga, no ta husto tampoco cu e final local mes no ta tuma luga akiden.

“Cu hopi consideracion, pasobra nos sa cu tin weganan cu ta tumando luga na e momentonan aki, cu un excepcion ta laga e wega di dia 7, dia 10 y ultimo dos wega di playoff y e final dia 21 di

juni tuma luga, pero tambe den palabracion cu atletismo pa no stroba e trabounan cu mester tuma luga den stadion, nos lo cera stadion back dia 22 di juni,” minister Croes a informa.

El a indica cu durante proximo 10 dia trabou pa atletismo ta bay ser intensifica pa wak con mas lihe por keda cla cu locual mester keda cla cune y e ora ey ta laga e weganan entre 7 y 21 di juni tuma luga, y despues lo cera stadion back y ta sigui cu e trabou “pasobra atletismo tambe tin e derecho pa bin back aki den mas lihe posibel,” el a bisa.

E mandatario a splica cu ta un situacion un poco fastioso cu e desaroyo di e atletiekbaan y e turf di futbol no a bay mesun lihe, y hunto, locual ta nifica cu mester tuma cierto decision y den consideracion pa garantisar eventualmente cu e atletiekbaan tambe por ser acredita pa atletismo.

“Mester haci e sacrificio aki pa un par di siman mas y ta spera cu mas pronto posibel atletismo por cuminsa tambe haci uso di e facilidad manera debe ser. E ta un escogencia cu nos tin cu haci. Di otro banda bo kier cumpli cu tur hende, pero nos tin cu wak tambe riba termino largo kico ta mas miho pa nos haci y kico ta mas conveniente pa locual ta garantisar e facilidad aki a largo termino pa Aruba y pa deporte na Aruba,” e mandatario a enfatisa.

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion
Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Entrada universal na nivel di minimumloon lo ta posibel den 2038

Un sociedad unda e mayoria grandi di e poblacion por biba relativamente bon, ta e meta cu nos lo kier pa nos comunidad. Den siglonan anterior esaki por wordo logra dor di trabou, studia y innovacion tecnologico cu ta baha prijs di producto. E siglo aki vooral den e decadanan cu ta bay bin lo ta bay ta fundamentalmente diferente for di loke nos como individuo y vooral sociedad ta custuma cune. Innovacion exponencial den Inteligencia Artificial (AI), lo por tin un impacto radical y profundo pa nos como sociedad.

Na prome lugar un estudio di McKinsey & Co, a indica

cu teoreticamente casi 50% di trabou humano lo por wordo automatiza segun nan analisis hopi detaya. Ya caba nos ta wak cu e modelonan di mas nobo di AI a cuminsa "touch" e nivel intelectual di PhD-humano. Na mesun momento tambe nos ta wak cu e gastonan pa usa e modelonan avansa aki di AI a cay entre 80 pa 99% den e delaster 2 aña. Pa un persona cu ta analisa trendnan strategico tecnologico y macro-economico e ta hopi obvio cu den 10 - 30 aña kier of no kier partinan grandi di cupo di trabou cu nos conoce den dia di awe lo wordo automatiza.

Esaki no tin cu ta malo, si e verdeling di e prosperidad cu tur e innovacion aki trece wordo parti den un manera

socialmente husto dentro di sociedad. Esaki ta trece nos na un estudio publica e luna aki, di Prof. Dr. Aran Nayebe di Carnegie Mellon University. Den su estudio elabora, Nayebe et al. 2025 a analisa diferente scenario's di automatizacion y na ki aña e prosperidad cu AI lo trece por ta suficiente pa funda un "Universal Basic Income" di \$1.000,- pa luna. Den e scenario mediano unda AI su capabilidadnan ta aumenta cu 100% cada 5 aña, e lo ta posibel pa funda un UBI caba na aña 2038.



Un anotacion duidelijk cu Nayebe et al. 2025, a haci den su estudio ta cu segun su analisis e belastingtarief pa companianan tecnologico awo ta 18%, y segun Prof. Dr.

Nayebe, esaki lo mester hisa na 35% pa asina funda un UBI na aña 2038.

Nos ta menciona UBI varios bes den e delaster simannan cu a pasa, dor cu e lo ta esencial pa nos fundeshi social, den un futuro cu eigenlijk no ta ni dje leu den horizon. Den caso aki 13 aña ta eigenlijk basta cercano. E lo keda na nos como sociedad y nos aparato politico pa zorg pa tur e prosperidad cu innovacion trece wordo parti den un manera cu lo stimula innovacion, pero unda vooral e mayoria di nos comunidad lo por biba un bida adecua. Si esaki nos tuma lugar, lo bin tensionnan social y tur sorto di scenarionan cu nos no lo desea di wak.

Pero e idea di Prof. Dr. Nayebe unda un impuesto di 35% riba AI, por funda un UBI of den su palabranan precies un "AI Dividend" pa full e pueblo adulto ta uno cu siguramente merece su tension. E combinacion di un UBI, cu factornan manera energia renobabel (hopi) mas barata dor di zonnepanelen di generacion nobo, unda gastonan pa bijvoorbeeld salubridad, consulting, juridisch lo cay enormemente danki na AI y en fin 3D Printing por crea un vision sumamente bunita pa mundo y Aruba.

E ta mi speransa cu mi 4 aña di skirbi columna lo por forma un inspiracion intelectual pa crea e caminda na e sociedad sumamente bunita, cu pa esnan cu ta analisa trendnan strategico lo ta mas un pregunta di ki aña esaki lo bin versus si e lo ta posibel.



Luna di Locura cu Lotto 5 Dia di Tata Edition!

Cu cada 2 Lotto 5 riba e mesun ticket, ricibi 1 Lotto 5 loco extra completamente gratis!

Luna di Locura cu Lotto 5 ta wordo extendi pero e biaha aki en conexion cu celebracion di Dia di Tata pa luna di juni! Cu cada compra di 2 set di number di Lotto 5 riba e mesun ticket, bo ta ricibi un Lotto 5 loco extra completamente gratis ariba e mesun ticket.

Si bo compra 4 Lotto 5 riba e mesun ticket bo ta ricibi 2 Lotto 5 loco completamente gratis. Si compra bo 6 Lotto 5 riba e mesun ticket bo ta ricibi 3 Lotto 5 loco gratis. Kiermen mas Lotto 5 bo compra riba e mesun ticket, mas Lotto 5 loco bo ta ricibi gratis y asina



mas chens bo tin pa gana e jackpot di Lotto 5!

Lotto 5 ta costa solamente 4 florin pa ticket y bo por com-

bina bo 5 numbernan for di 01 te cu 35. Pidi bo rebend- edo pa bo 2 set di 5 num- bernan riba e mesun ticket y asina bo ta ricibi un Lotto 5

loco completamente gratis. Si bo no sa cua numbernan pa kies, bo ta pidi bo rebend- edo pa 2 Lotto 5 loco riba e mesun ticket y ricibi un tercer Lotto 5 loco completamente gratis riba e mesun ticket.

E promocion aki ta continua pa henter e luna di juni pa e sorteonan di Lotto 5. Por compra bo weganen di Lotto te cu 7:30PM na bo rebend- edo preferi. Sorteo di Lotto 5 ta hunga riba tur diaranson y diasabra anochi pa 7:45PM na TeleAruba pero tambe por wak sorteo di Lotto riba nos pagina di Facebook y You- Tube. E promocion ta valido te cu dia 30 di juni 2025.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganen di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Tur director di area ta na Aruba

A.T.A. cu sesionnan pa yega na Plan Corporativo 2026

E siman aki, Aruba Tourism Authority (A.T.A.) ta teniendo su reunionnan pa cu 2026, durante sesionnan special den cual gerencia y ehecutivonan local y internacional incluyendo tur e directornan di tanto e continente Norte Americano, esun di Latino America y esun di Europa, ta na Aruba pa tambe participa y yuda den crea plannan concreto di con lo desaroya tur e mercadonan turistico di nos pais.

“Locual cu bo ta mira awe den ehecucion, a pens’e y discute un of dos aña pasa caba. Asina nos ta traha, basa riba datonan concreto cu ta guia e organizacion den e rumbo corecto”, Ronella Croes, Chief Executive Officer di A.T.A. a indica a base di reunionnan intenso, cu a start for di mainta te den oranan laat di atardi y a cubri algun dia. E sesionnan a cuminsa desde dialuna caba y a sigui durante dos dia te cu diaranson atardi.



Obhetivo di e encuentro strategico aki, cu ta organisa anualmente, ta pa refina y alinia prioridadnan clave y areanan di enfoke strategico pa e resto di aña 2025 y pa aña 2026.

Pa medio di dialogo y colaboracion, ta identifica entre otro areanan di prioridad clave y defini e preconditionnan pa nan ehecucion exitoso. E resultadonan di e sesion aki lo sirbi como base pa yega na e Plan Corporativo 2026, cu sin duda lo contene e ideanan cu sali despues di e reunionnan. Punto di salida di A.T.A. ta cu e maneho den e temponan nos dilanti mester

contene elementonan cu ta resalta e berdadero dinamica di e industria di turismo di Aruba door di cambia di narativanan di pasado basa riba datonan cu ta refleha e impacto economico, social y ambiental real di nos isla.

Pa loke ta trata e areanan specifico, manera ta Norte America, Latino America y Europa, A.T.A. ta enfoca den compronde e situacion geopolitico y e impacto cu e lo por tin riba biahamento den aña 2025 y na mes momento repasa y revisa e pronostico y proyeccionnan pa aña 2026. Tambe ta defini suposicionnan strategico pa aña 2026, con e enfoke strategico pa aña 2026 lo ta y den esey resalta loke ta diferente.

“Mi ta orguyoso di e ekipo dinamico, profesional y pasiona pa nos isla, cu ta traha cu alma y curason, tur dia, pa progreso y bienestar di e industria turistico di nos pais. Ta Rubianonan cu ta fungi como e helicopter view di nos economia, door di percura pa un industria turistico floreciente, cu ta impacta henter nos economia na un forma positivo”, asina Ronella Croes a categorisa su coleganan. El a segura cu e exito di desaroyo y e forma solido cu



Aruba ta posiciona awendia den Caribe y na nivel mundial den turismo, ta danki na cada un di e coleganan aki, cu no ta yega A.T.A. tur dia pa traha, sino pa carga e economia di nos pais den nan mesun mannan! Reconociendo tambe retonan y trahando duro riba esakinan!

Tocante Aruba Tourism Authority (A.T.A.) A funda Aruba Tourism Authority ‘Sui Generis’ dia 1 di januari 2011 como un organizacion independiente, pero den un esfera publico. Aruba Tourism Authority ta fungi como ‘Destination Marketing and Management Organization (DMMO)’ y ta responsabel pa uni interes turistico entre socionan local y internacional.

E industria di turismo di Aruba a muestra un resiliencia y un rendimiento impresionante. Entre aña 2011 y 2024, e sector di turismo a muestra un crecimiento fuerte. E entrada di turismo, of miho conoci como “Tourism Receipts”, a subi cu un promedio anual di 10%. E cantidad di bishitante cu ta keda tambe a crece na un avarahe di 11% anualmente. E entrada pa camber disponibel, conoci como “Revenue per Available

Room” (RevPAR), a subi cu un avarahe di 11% tur aña. E yegada di e bishitantenan di crucero a muestra un indice di crecimiento anual cu un promedio di 23%.

Si analisa resultadonan di aña 2024 compara cu aña 2011, ora A.T.A. a bira un entidad independiente den e esfera publico, por nota cu “Tourism Receipts” a aumenta cu 111%, yegada di bishitante a aumenta cu 64%, “RevPAR” a crece cu 104%, mientras cu yegada di turismo crucero a crece cu 50%. E cifranan aki ta subraya e exito y desaroyo sostenibel di e sector turistico di Aruba, desde cu a funda A.T.A. SG.

A.T.A. ta pone hopi enfasis riba e modelo di “High Value-Low Impact”, un balans entre, di un banda aumenta e balor economico di e bishitante y na otro banda posiciona Aruba como un pais desea y sostenibel. E meta ta pa aumenta entrada pa medio di calidad di turismo en bes di cantidad.

Segun World Travel and Tourism Council (WTTC), ta proyecta cu e contribucion total di biahe y turismo na GDP di Aruba lo alcanza 74% pa aña 2024.

BEWINDVOERDER

Bij beschikking van 25 maart 2025 van het Gerecht in Eerste Aanleg van Aruba, behorend bij nr. AUA20240366EJ, zijn de heer Giancarlo Franco FERNANDES DO NASCIMENTO, geboren op 21 oktober 1980 in Aruba, wonende in Aruba en mevrouw Michelle Melisa FERNANDES DO NASCIMENTO, geboren op 10 juli 1983 in Aruba, wonende in Aruba, onder bewind gesteld, met benoeming van de heer Franklin Roland DE KORT tot bewindvoerder.

De bewindvoerder

Franklin R. de Kort

SETAR ta firma acuerdo cu Dr. Horacio Oduber Hospital pa e servicio di Colocation

Recientemente SETAR a firma acuerdo cu Dr. Horacio Oduber Hospital pa e servicio di Colocation, unda cu SETAR lo host ekiponan di Hospital den nos Data Center.

SETAR a wordo scogi como partner strategico pa e proyecto di Elektronische Patienten Dossier (EPD) di Hospital, un sistema nobo unda cu lo warda tur informacion di patient di un manera centrali-

sa. E ekiponan cu lo carga e sistema aki lo wordo warda localmente den e Data Center di SETAR. Wardando e informacion localmente ta garantisa e importancia di Data Privacy den cuadro di nos leynan y privacidad di informacion di patient.

SETAR su Data Center ta un 3 tier design data center cu tin multiple ruta pa suministro di coriente y cooling y tin un sistema implementa pa

update y mantencion sin cu ta bay offline. Actualmente ya caba SETAR tahost informacion di companianan local y internacional den nos Data Center.

Pa SETAR, como nos compania nacional di telecomunicacion, ta un orguyo di tin e partnership importante aki y e confiansa di Hospital pa e desaroyo di nan sistemanan automatiza pa por brinda miho calidad di cuido na e comunidad di Aruba.



Hulanda: Ministernan ta acorda pa reserva 400 miyon euro pa AI den cuido medico, si costo di cuido ta abao

(NLTimes)—Ministernan Eelco Heinen (Finanzas) y Fleur Agema (Salud Publico) a yega na un acuerdo riba placa pa tecnologia nobo y inteligencia artificial (AI) den cuido medico. Si costo di cuido medico ta mas abao cu loke a anticipa, Agema por aloca 400 miyon euro pa aña ariba esaki durante e proximo decada, Heinen a acorda, segun fuentenan cerca di gobierno a conta NOS. Esaki ta traha caminda pa un acuerdo entre gobierno y e sector di cuido medico riba mantene cuido medico pagable.



Agema por tuma 400 miyon euro pa aña for di e 2.3 bion euro poni na banda pa absorba e aumento anticipa den costo di cuido medico un bes cu eigen risico ser corta den mita pa 165 euro na 2027. E condicion ta cu e suma reserva ta keda suficiente pa cubri e costonan aumenta—pues si costo di cuido medico ta mas abao cu loke a anticipa. Agema ta asumi cu esaki lo ta e caso; Heinen tin duda. P'esey e kier evalua despues di dos aña si e inversion den AI ainda ta responsable.

Heinen y Agema a discuti e topico aki pa varios luna caba, y e desacuerdo a escala durante e ultimo simannan te na un punto cu Agema a menasa pa retira diabierna. Minister di Finanzas di VVD kier solamente pa priminti e 400

miyon euro pa 2027 y 2028, mientras cu e minister di Salud di PVV kier pa e suma ta structural. Segun Agema, e suma pa aborda e aumenta den costo di cuido medico ta demasiado grandi y por facilmente spaar placa pa e inversionnan aki.

E dos ministernan a reuni extensivamente dialuna y diamars pa resolve e conflicto. Prome minister Dick Schoof a asisti e reunion diamars, y a yega na un acuerdo despues di 9or di anochi, fuentenan di NOS a bisa.

Awor cu e asunto aki a ser regla, Agema por anuncia cu e 400 miyon euro den inversion di AI den cuido medico ta casi sigur. Y e por sigui papia riba e acuerdo di cuido medico suplementario cu institucionnan y hospitalnan, cual ta contene acuerdonan pa mantene cuido medico pagable. Agema ta kere firmemente cu AI y otro tecnologia lo hunga un parti grandi den esaki.

Administracion di Trump a cancela contract di 766 miyon dollar cu Moderna pa combati gripe pandemico

(AP)—E administracion di Trump a cancela un suma di 766 miyon dollar cu tabata otorga na e compania farmaceutico Moderna Inc. pa desaroya un vacuna contra virusnan di gripe potencialmente pandemico, incluyendo e gripe aviar H5N1.



pandemianan.

E compania a bisa cu e Departamento di Salud y Servicio Humano a notifica di aranson cu e fondo otorga den juli 2024 y den januari a ser retira. E fondo tabata destina pa desaroyo y compra di su vacuna investigacional.

E fondo a ser otorga via e programa BARDA (Biomedical Advanced Research and Development Authority), un programa enfoca riba tratamiento medico pa posible

E vacuna nobo, yama mRNA-1018, ta usa e mesun tecnologia cu a permiti desaroyo y distribucion di vacunan contra Covid-19 den tempo record.

Secretario di Salud Robert F. Kennedy Jr. a expresa gran skepticismo tocante vacunan mRNA, a pesar di evidencia real cu e vacunan ta safe y a salba miyones di bida.

E cancelacion a yega na mesun tempo cu Moderna a

anuncia resultadonan positivo interino for di un ensayo di fase trempan di e vacuna contra virus di gripe aviar H5, prueba den 300 adulto salud. “Y mientras cu e terminacion di fondo for di HHS ta agrega inseguridad, nos ta satisfecho cu e respuesta robusto den inmuun y perfil di seguridad observa den e analisis interino,” e compania a bisa den un declaracion.

Moderna a ricibi 176 miyon dollar den juli 2024 y 590 miyon dollar den januari. E suma di januari tabata destina pa sostene un ensayo clinico di un fase final cu por a determina e efectividad di e vacuna contra virusnan pandemico, incluyendo e gripe aviar, segun un vocero di e compania.



JOB OPPORTUNITY

Paradise Beach Villas is looking for:

- Security Manager
- Pool & Beach Attendant
- Security Guards
- Houseman

We offer:

Competitive Salaries, Dental and Vision Insurance, Attendance Incentives, Life Insurance, Wellness Program, Vacation Program.

To apply: Submit your resume at humanresources@paradisebeach.aw For more information, please get in touch with our Human Resources Department at 525-400 ext. 4093.

Bougainville Development NV
P.O. Box 162878, Altamonte Springs
FL 32716-2878, USA

J.E. Irausquin Boulevard 64 P.O. Box 4308, Noord, Aruba, Dutch Caribbean
T. 297 525 4000 F. 297 587 0071
www.paradisebeachvillas-aruba.com

Militarnan nobo a huramenta na Corsou

Diaranson, 28 di mei, nueve militar di Corsou a keda huramenta oficialmente despues di a exitosamente finalisa nan Formacion Militar Basico. (Elementaire Militaire Vorming (EMV)). E ceremonia a tuma lugá den presencia di Gobernador Interino di Corsou, Minister di Husticia Hato y Comandante di Forsanan Naval den Region Caribe.

E nueve Militarnan ta forma parti di un grupo di 15 candidato cu a slaag den e Formacion Militar Basico; di e 15, seis ta descendiente di Aruba y nueve ta di Corsou. E militarnan di Aruba mas despues lo keda huramenta na Aruba.



E estudio a contene 26 siman di training militar intensivo, den cual resiliencia físico y mental tabata central. Despues di finalisa e periodo aki a tuma lugá e entrada oficial cu aplauso na Fort

Amsterdam.

Despues e candidatonan a sigui un modulo B&B (Bewaken en Veiligheid) 'Monitoreo y Siguridad' di 10 siman, como preparacion



pa nan posesion dentro di Defensa den Region Caribe.

Despues di e huramenta e militarnan a keda ubica na Curmil (Curaçaose Militairen) y na Arumil

(Arubaanse Militairen), caminda nan lo desplega nan mes pa paz y siguridad den e Region Caribe di Reino Hulandes.

Muchanan den scandal di bijstand ta demanda estado Hulandes pa compensacion

(NLTimes) - Yiunan di mayornan den e scandal di beneficiario di cuido di mucha a demanda gobierno Hulandes pa e dación cu nan a sufri. Si corte dicta na nan favor, e Estado Hulandes por enfrenta un otro proyecto di ley pisa den e scandal aki.

Mescos cu e otro mayornan den e scandal di beneficiario, e Autoridad di Impuesto a marca Ten Pas eroneamente como un persona cu a comete fraude, a stop su subsidio di cuido di mucha, y a duna orden pa e paga back e sumanan cu el a ricibi caba. El a perde su cunucu y su kennel di cacho. Eventualmente el a haya su mes ta biba den un cas di

vakantie den mondi pa varios aña. Si esey no a sosode y Ten Pas por a sigui percura pa su famia, su yiunan por a sigui nan estudio di HBO en bes di MBO, kisas no a sufri retraso di estudio, y por tabatin un infancia stabil cu tur nan necesidadnan cumpli.

Notabel ta cu aki ta trata di un caso civil, mientras gobierno te cu awor ta manehando e compensacion di mayornan via ley administrativo. Spiertz ta purbando di determina e daño cu e muchanan a sufri riba un base individual. Si e logra, e montante di daño probablemente lo supera e daño sufri pa mayornan hopi biaha mas. Tin hopi mas mucha cu mayornan, y e abogado



tin varios victima cla pa litiga.

E Estado a argumenta consistentemente cu muchanan no tin un derecho independiente riba compensacion, pasobra tabata nan mayornan cu a

ricibi e subsidio di cuido di mucha y mester a paga esaki back. Spiertz ta argumenta cu sin mucha, lo no tin un subsidio pa cuido di mucha. E subsidio ta específicamente diseña pa cuida pa e muchan-

an, y door di kita esey, e Estado a actua directamente ilegal contra e muchanan.

E ministerio di Finanzas, cu ta responsabel pa e operacion di recuperacion pa e mayornan, actualmente calcula na 11.5 biyon euro, "ta haya lamentabel pa para den corte contra victimanan of nan yiunan," un vocero a bisa Telegraaf.

"E estado tin un punto di bista diferente riba e posicion cu e abogado y muchanan a tuma." Segun e vocero, ta leu di ta un conclusion previo cu e corte lo dicta na favor di e muchanan. E peso di prueba ta mucho mas pisa den procedementonan civil, el a bisa.

Corsou: SER ta emiti conseho riba reforma di sistema di tarifanan publico

Sociaal-Economische Raad (SER) a emiti ayera un conseho formal pa minister demisionario di Finanzas, Sr. Javier Sylvania, tocante un proyecto di ley cu ta propone un reforma integral di e sistema actual di tarifanan publico, cu ta inclui leges, retribucion y derechonan di precario. E reforma ta enfoca riba actualisa tarifanan cu no a cambia significativamente for di aña 1992, adaptando nan segun desaroyo di inflacion.

E peticion pa conseho a yega na SER dia 14 di april ultimo, despues di un decision di e Consejo di Ministernan dia 9 di april. Sinembargo, e preparacion pa e proyecto di ley ya a inicia for di juli 2024, cu inclusion di recomendacionnan di Director di e directorado di legislacion y asuntonan huridico (WJZ) di Gobierno.

E conseho di SER ta basa riba un analisis multidisciplinario, cu ta evalua e proyecto for di un punto di bista legal, economico y social. Legalmente, e enfoca ta riba

transparencia, siguridad legal y claridad tocante delegacion di competencianan regulatorio. Economicamente, e investigacion ta analisa si e tarifanan proponi ta cubri e gastonan real, su impacto riba presupuesto nacional y e eficiencia di e proceduranan di cobranza. Socialmente, SER ta evalua e posibel efectonan di e reforma riba comunidad y negoshinan local, cu tension special pa gruponan vulnerabel y empresa chikito.

Potret di Mr. drs. Javier Sylvania riba Facebook.



AWE

MINI MEGA

MEGA PLUS

Awo cu 2 florin mas, bo por gana e

*** Afl. 500.000,-**

*** Afl. 360.000,- + Afl. 140.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

lotto

Gobierno Hulandes a anula plan pa permiti dunadornan di trabao test empleadonan pa droga y alcohol na trabao

(NLtimes)—No lo tin ningun ley nobo pa test di alcohol y droga den luga di trabao, segun Secretario di Estado Jurgen Nobel (Asunto Social y Empleo) den un carta pa parlamento diaranson. E testnan aki actual ta solamente permiti pa algun profesion manera piloto y ingenieronan.

Algun aña pasa, e federacion di dunador di trabao Hulan-

des (VNO-NCW) a boga pa testnan di alcohol y droga (conoci como testnan AD) por ta legal pa dunadornan di trabao. Pero e sindicato FNV tabata firmemente contra e proposicion aki. E gabinete a dicidi na 2020 cu testnan AD lo ser introduci pa posiconnan importante.

Sinembargo, investigacion ordena pa parlamento aña pasa a mostra cu e problema di seguridad causa pa alcohol

y droga ta minimo. Dunadornan mes ta dividi riba uso di e testnan aki, y no tin evidencia definitivo cu testnan pa alcohol y droga ta trece beneficio den seguridad.

Pa e motibo ey, e Secretario di Estado a dicidi pa para e proceso legislativo. “Haciendo testnan AD legalmente posible ta algo compleho y tin consecuencia grandi pa derecho di hende,” segun Nobel.



Ley nobo proponi na Hulanda pa proteha hende muher contra parehanan violento

(NLTimes)—Miembronan di parlamento Hulandes di D66, GroenLinks-PvdA, y VVD ta propone un ley nobo inspira riba e ley Britanico Clare's Law pa miho proteha hende muher contra violencia domestico. Segun RTL, e ley proponi lo permiti victimanan y nan famia cerca of amigonan solicita informacion for di polis tocante historia violento di un pareha.

Hanneke van der Werf di D66 a enfatisa e necesidad urgente: “Hende muhe cu ta victima di violencia domestico hopi biaha no sa cu nan pareha tin un historia di violencia. Pero frecuentemente esaki ta e caso.”

E coalicion Hulandes ta pidi Secretaria di Estado Coenradie pa investiga si ta factible pa introduci un ley similar na Hulanda. Clare's Law na Reino Uni ta nombra pa Clare Wood, un dama asesina na 2009 pa su pareha cu tabatin un pasado violento cu e no tabata sa di dje.

Bente Becker di VVD a menciona e falta di acceso na informacion: “Tabata cla pa polis di trepan cu e homber aki tabata hopi peligroso. Pero e dama no tabatin acceso



na e dato.”

Clare's Law ta duna hende derecho pa investiga si un pareha actual of anterior tin un historia di abuso of violencia domestico. Songul Mutluer di GroenLinks-PvdA a bisa: “Un version Hulandes di Clare's Law por revela e informacion ey prome cu e resulta fatal. Esaki por salba bida.”

Clare Wood a ser mata na 2009 pa su ex-pareha George Appleton, un homber cu tabatin un historia conoci di abusa hende muhe, pero Clare no tabata sa. Despues cu el a termina e relacion fin di 2008 pa motibo di com-

portamento controlador y infidelidad, Clare a presenta varios keho na polis contra Appleton, acusando intimidacion, daño di propiedad, menasanan di morto y abuso sexual.

Na comienso di 2009, nan a haya e curpa di Clare sin bida. Appleton a chok'e, pega su cas na candela y despues a kita su mesun bida. Clare su tata a keda lucha pa un reforma legal, convenci cu Clare lo tabata bibo ainda si e tabata sa tocante e pasado violento di Appleton. E campaña a resulta den e introduccion di Clare's Law na Reino Uni casi un decada pasa.

E parlamentarionan Huland-

es a propone cu no solamente victimanan, pero tambe famia cerca y amigonan por haya acceso na e tipo di informacion ey. Van der Werf a bisa: “Hopi biaha un mama of ruman ta mira cu un persona ta bira cada bes mas isola den un relacion peligroso. Nan mester un manera pa bisa: algo no ta bon.”

Becker a referi na un caso reciente caminda un mama a sinti for di comienso cu su yiu tabata den peligro. “Si e por a bay polis y haya e tipo di informacion ey, su yiu kisas lo ta bibo ainda.”

E coalicion ta pidi Secretaria di Estado pa duna claridad

riba ken exactamente lo por haya acceso na e dato di polis, respetando ley di privacidad. Becker a bisa: “Derecho di un hende muher pa no ser menasa mester prevalece riba derecho di anonimidad di un agresor. Nos mester haci tur cos pa proteha hende muher di hende homber cu ta pensa: e ta di mi, y si e laga mi, mi tin derecho pa hacie daño.”

Van der Werf a nota cu Reino Uni tin un regla di seguridad fuerte: “Bo no por simplemente pidi e historia criminal di un hende. Mester tin proporcionalidad y necesidad.”

Na Hulanda, un muhe ta ser asesina mas o menos cada ocho dia, frecuentemente pa un pareha actual of anterior. E parlamentarionan ta kere cu e ley por reduci e cifra ey. Mutluer a conclui: “Pa comparti e informacion aki por habri wowo prome cu ta demasiado laat. E por duna forza na victimanan pa tuma un decision, busca yudansa of sali for di un relacion peligroso.”

E partidonan ta spera cu lo tin hopi sosten den Tweede Kamer. Becker a bisa: “Mi tin confiansa. E ta trahando na Reino Uni, y Australia y Canada tambe a tuma pasonan. Hulanda mester sigui.”

DNA antiguo ta revela un grupo nobo di hende cu tabata biba cerca di brug terestre entre America

(AP) — Cientificonan a identifica un grupo nobo di cazador-recolector kende tabata biba cerca di e brug terestre entre Nort America y Sur America como 6 mil aña pasa.

Investigadornan ainda ta investigando con poblacionnan humano a plama door di e Americanan miles di aña pasa, yegando prome na Nort America prome cu bay direccion sur. Gruponan cu a separa a desaroya nan propio coleccion di genes cu cientificonan por usa pa completa e stamboom di famia humano.

Descubri mediante DNA antiguo, e grupo tabata biba den e plateaunan halto di loke



awendia ta Bogota, Colombia - cerca di unda Sur America ta topa Nort America. Cientificonan no ta sigura exactamente unda nan ta cay den e stamboom pasobra nan no ta relaciona di cerca cu indigena

Americano na Nort America, y tampoco ta vincula na Sur Americano antiguo ni moderno.

E estudio nobo a keda publica diaranson den e journal Sci-

ence Advances.

“Te na e punto aki, nos no tabata kere cu tabatin otro lineahe cu lo aparece den Sur America,” segun arkeologo Andre Luiz Campelo dos Santos, cu Florida Atlantic University, kende no tabata involucra cu e investigacion. “Esaki ta inespera.”

Apenas 4 mil aña despues, e humanonan antiguo aki a desaparece, y un clan humano geneticamente diferente tabata habita e area. Cientificonan no ta sigur exactamente kico a pasa cu a pone nan desaparece - sea nan a mix den un grupo nobo, mas grandi, of a keda saca completamente.

Analizando mas genes den

Sur America ta bay yuda confirma si e grupo nobo aki realmente a desaparece of si lo por tin evidencia di nan descendientenan na otro lugar, segun Campelo dos Santos.

Studiando e genes Colombiano antiguo aki ta importante pa hinca den otro e historia di continente Americano desde cu hende antiguo mester a crusa e brug terestre aki pa establece y esarse na Sur America.

E area ta “e gateway na e continente Sur Americano,” segun autor di e estudio, Andrea Casas-Vargas di Universidad Nacional di Colombia.

Merca ta entrega mocion pa rechasa demanda tocante deportacion di Kilmar Abrego Garcia

(AP) - Administracion di Trump a pidi un hues federal pa rechasa e demanda tocante e deportacion di Kilmar Abrego Garcia na El Salvador, argumentando cu e corte no tin hurisdiccion pasobra e homber no ta na Merca mas.



E solicitud pa rechazo e siman aki tabata un movida procedural di gobierno Mericano, cu tabata rekeri pa responde na e demanda di Abrego Garcia dentro di 60 dia. Abogadonan Mericano a reitera nan argumentonan di fin di maart contra su regreso.

E movida aki di gobierno ta e

desaroyo mas recien den un caso cu a dura dos luna caba sin ningun movimiento discernible den direccion di un resolucion, a pesar di orden di un hues pa trece Abrego Garcia back y un veredicto subsecuente di Corte Supremo pa “facilita” su regreso.

Presidente Donald Trump a bisa ABC News fin di april cu e lo por trece Abrego Garcia back cu un yamada na presidente di El Salvador. Pero Trump a bisa cu e no lo hacie, pasobra Abrego Garcia ta un miembro di gang MS-13, un acusacion cu Abrego Garcia ta rechasa.

Abogadonan di gobierno no a usa e splicacion simpel di e presidente den e corte federal di Maryland cu a duna orden pa regreso di Abrego Garcia. Nan a argumenta cu e informacion tocante regreso di Abrego Garcia ta protegi pa privilegio di secreto di estado, un doctrina legal hopi biaha

usa den casonan militar.

Abogadonan Mericano a bisa cu publica detayenan asina den corte abierto - of hasta cu e hues den priva - lo pone seguridad nacional den riesgo door di revela negociacionnan diplomatico sensitivo. Hopi documento den e caso ta seya.

Abogadonan di Abrego Garcia a argumenta cu administracion di Trump no a haci nada pa trece back e trahador di construccion na Maryland. Nan ta bisa cu gobierno ta invocando e privilegio pa sconde tras di e malconducta di eroneamente deport’e y

nenga di trec’e back.

Hues ainda no a duna veredicto riba e argumento di secreto estatal di gobierno. Durante un audiencia dia 16 di mei, el a bisa cu e splicacion di gobierno pa invoca esaki tabata inadecua y a duna gobierno tempo extra pa duna mas informacion.

E hues ainda mester duna veredicto riba e mocion di gobierno e siman aki pa rechasa e demanda di Abrego Garcia. Algun ora prome cu entrega e mocion, gobierno a pidi e hues pa un extension di 30 dia, pero e hues a rechasa esaki.

St. Vincent and the Grenadines: Boto bandona y 11 curpa descubri cu paspoort di Mali

(AP) — Autoridadnan di pais Caribense, St. Vincent and the Grenadines ta bisa cu nan a descubri un boto bandona, y e restonan di 11 persona hunto cu paspoortnan di e pais Africano occidental di Mali.

E boto a ser haya na e costa di isla Canouan den oriente di Caribe, segun polis a bisa den un declaracion e siman aki.

Autoridadnan a bisa cu nan ta trahando cu partnernan regional y internacional pa identifica e victimanan y e origen di e boto, cu a keda

descubri riba dialuna. “E incidente aki ta profundamente preocupante,” polis a bisa. “Nos ta comprometi na sigui cada pista.”

Na januari, oficialnan den e isla oriental di Caribe, St. Kitts and Nevis, a bisa cu nan a haya un boto cu e curpa di 19 persona, algun cu identificacion di Mali.

Mientras tanto, na mei 2021, e curpa di mas di un decena di homber a ser haya riba un boto flotando cerca di e nacion Caribense di Trinidad & Tobago. Un investigacion di Associated Press a haya cu



nan tabata parti di un grupo di 43 persona cu ta kere a sali

di Mauritania pa e Islanan Canarias di Spaña, pero cori-

ente di Ocean Atlantico a lastra nan.

Puerto Rico: Terapistanan di Educacion Special ta hiba nan keho na e Hunta di Supervision

(ElNuevoDia) - Decenas di terapeuta y mayornan di studiantenan di enseñansa special a reuni diamars ultimo riba e Golden Mile na Hato Rey pa exigí pa Departamento di Enseñansa paga e placa cu nan debe na dunadonan di servicio, den mayoria caso pa terapianan brinda desde luna di maart.

Avenida Luis Muñoz Rivera, dilanti di e sede di Hunta di Supervision Fiscal (JSF), a ser blokia prome cu merdia pa e manifestacion.

“Nos a haci un yamada na henter e pais pa bira consciente di e inhumildad contra mucha,” asina Víctor Moreno, presidente di e Asociacion di Profesionalnan di Terapia y Proveedornan di Servicio a bisa.

El a señala cu, a pesar di varios combersacion cu e Secretario di Enseñansa, Eliezer Ramos Parés, e mayoria di dunadonan di servicio contrata pa duna terapianan a traves di e mecanismo extraordinario conoci manera remedinan provisional no a ricibi pago pa e trabou realisa na maart of april.

“E secretaria no a bisa nos nada tocante ki dia e placa lo sali,” Moreno a bisa. “Nan ta bisa nos cu e pago ta sali diamars y diahuebs. Cu si e ta bay sali diamars, nada, riba diahuebs, nada tampoco... Nan ta keda atrasa e proceso pa nos por sigui duna servicio mientras nan ta maneha fondonan federal,” el a agrega.

El a calcula cu e instancia debe nan aproximadamente \$40 miyon, basa riba datonan di Enseñansa cu ta indica cu servicicionan factura na maart a suma aproximadamente \$17 miyon. Den total, tin casi 400 dunado di cuidu bou di alivio provisional.



Como contesta na e protesta, e Departamento di Educacion a referi na declaracionnan haci siman pasa pa e secretario, den cual el a declara cu e instancia ta trahando pa emiti pagonan na dunadonan di terapia a pesar di e retonan cu e congelacion di fondonan federal ta trece cune.

Moreno a enfatisa cu e organizacion cu e ta representa tambe ta exigí pa mas o menos \$100 miyon ser aloca pa cubri servicicionan di alivio provisional den e presupuesto di e proximo aña fiscal. El a indica cu, inoficialmente, el a haya informacion cu un parti di e placa ey a ser identifica.

“Y na fin di e luna aki, mas factura lo ser agrega,” el a declara. “Loke nos ta pidi ta seguridad tocante e aprobacion di e placa, cu ta loke nos ta pidi pa otro aña, y un fecha specifico pa ki dia e pagonan actual lo ser publica. Nan a bin ta bisa cu nan tin e placa pa simannan, pero e cuantanan (di e specialistanan) ainda no a ricibi placa,” el a agrega.

Poco despues di merdia di diamars, Moreno a indica cu ainda nan no por a tuma contacto cu ningun representante di e Hunta di Directiva mientras cu nan tabata traha pa coordina un reunion cu Ramos Parés.

E terapianan di estudiante ta extende te na e ultimo dia di les, cu ta 6 di juni. Moreno a

camente.

“Mi ta profundamente preocupado cu e palabra cu e ta usa, cu no tin mucha cu ta keda sin ser sirbi. P’e, esey ta su berdad pasobra e ta haya sa te 30 dia despues, ora nos entrega e cuenta fin di luna. Ta e ora ey e ta mir’e. Pero kico e ta paga den 30 dia, nos sa den tempo real. E tin su berdad pasobra e ta mira loke ta sali for di e luna anterior, pero e cifra di e luna aki, e no sa ainda,” Moreno a bisa.

Miembronan di e Asociacion di Puerto Rico di Proveedornan di Servicio Relaciona cu

Salud y Educacion tambe a participa na e demostracion.

E Departamento Federal di Enseñansa a para e pago di \$401 miyon den fondonan federal cu ya tabata obliga pa Puerto Rico, incluyendo fondonan pa pago di servicicionan brinda y factura. Prome cu e instancia local a ricibi notificacion oficial dia 28 di maart, \$89.4 miyon na pago a ser emiti na proveedornan for di comienso di e aña academico. Entre 28 di maart y 19 di mei, pagonan na un total di \$7.8 miyon a ser emiti, e Ministerio di Enseñansa a detaya.

VACATURE



CEDE ARUBA is in samenwerking met de buurtcentra en buurtorganisaties in Ayo, Brazil, Dakota, Lago Heights, Playa Pabou, Santa Cruz, Savaneta en Tanki Leendert. Momenteel zijn Centro di Bario Playa Pabao and Centro di Bario Santa Cruz op zoek naar kandidaten voor de functie:

Programmaleider Buurtcentrum

Als programmaleider van een buurtcentrum ben je onder leiding van het bestuur verantwoordelijk voor het (mede) ontwikkelen, uitvoeren en monitoren en evalueren van het jaarprogramma's, het ondersteunen, faciliteren, werven en motiveren van vrijwilligers, het ondersteunen van buurtinitiatieven en sociale groepen, het vertegenwoordigen van het buurtcentrum bij samenwerkingspartners en buurtorganisaties en het ondersteunen van het bestuur.

Relevante taken binnen de functie programmaleider zijn:

- Levert een bijdrage aan het uitvoeren en analyseren van buurtonderzoek en behoeftepeilingen
- Levert een bijdrage aan het ontwikkelen van jaarprogramma's en projectdossiers
- Organiseert eigen activiteiten van het buurtcentrum en activeert en faciliteert derden
- Draagt zorg voor de evaluatie van activiteiten door deelnemers
- Stelt eenvoudige tussenrapportages op ten behoeve van het bestuur
- Bewaakt dat er altijd sprake is van een veilig en sociaal klimaat
- Levert een bijdrage aan de ontwikkeling van een vrijwilligersbeleid
- Werkt actief aan het werven, begeleiden en motiveren van vrijwilligers
- Biedt praktische ondersteuning aan wijkinitiatieven en sociale groepen
- Organiseert, samen met vrijwilligers initiatieven en acties gericht op fondsenwerving
- In overleg met bestuur, fungeert programmaleider als aanspreekpunt voor NGO's, maatschappelijke initiatieven en sociale groepen
- Verricht eenvoudige promotie- en marketingactiviteiten via diverse mediakanalen
- Ondersteunt bestuur met het uitvoeren van diverse werkzaamheden.

Functie-eisen

- Minimaal een MBO Niveau 4 opleiding op het gebied van welzijn of vergelijkbare opleiding die relevant is voor de taken van de programmaleider
- Minimaal 3 jaar werkervaring in het organiseren van projecten
- Affiniteit met het sociale veld en kennis van de sociale kaart is een pré
- Beheerst meerdere talen (Papiamentu, Spaans en Engels, Nederlands is wenselijk)
- Beschikbaar ook gedurende middag en avonden (flexibiliteit)
- Heeft een geldige Rijbewijs B en beschikt over een vervoer
- Een recente verklaring van goed gedrag (niet ouder dan 3 maanden)
- Met voorkeur een persoon uit de omgeving van het buurtcentrum

Gelieve uw motivatiebrief en curriculum vitae uiterlijk op 20 juni 2025 te richten aan de Programma Coordinator BARIÓ UNICO, Gianni Bermudez, Beatrixstraat 8, Oranjestad. De documenten dienen uitsluitend digitaal via mail gestuurd te worden aan: barionanunico@cedearuba.org

Centro pa Desaroyo di Aruba
Beatrixstraat 8, Oranjestad, Aruba
Phone: +297-582-7666 - Email: info@cedearuba.org
Website: cedearuba.org

AMOR BO NO POR CUMBRA
pero bo por adopta uno



Compania di cosmetica E.l.f ta adkiri e marca di beyesa Rhode di Hailey Bieber pa 1 biyon dollar

(AP) — E.l.f. Beauty a adkiri e marca di cuido di cuero Rhode di Hailey Bieber den un acuerdo di 1 biyon dollar, e companianan a bisa.

Bieber, di 28 aña, un modelo y casa di e cantante Justin Bieber, lo ta e hefe creativo y hefe di innovacion di Rhode y tambe un consehero strategico pa e companianan combina.

El a lansa Rhode, cu ta su di dos nomber, como un liña di cuido di cuero na juni 2022 y for di e tempo ey e la expande e marca pa inclui diferente producto cosmetico manera blush, lip balm colorido y lip liner.

E.l.f., cu ta abreviacion pa "Eye (wowo), lip y face



Mescos cu Rhode di Bieber, E.l.f. ta bisa cu tur su produccionan ta vegano y no ta test riba bestia prome cu yega na consumidornan.

"E.l.f. Beauty a haya un ruman cu mente similar den Rhode," Presidente y CEO Tarang Amin a bisa den un declaracion. "Nos ta entusiasma cu e habilidad di Rhode den kibra bareranan di beyesa, completamente alinia cu e vision di E.l.f. Beauty pa crea un tipo di compania diferente."

E.l.f. tambe ta doño di e marca di beyesa Well People, e marca di cuido di cuero Naturium y Keys Soulcare, un linea di cuido di cuero crea pa e cantante-compositor Alicia Keys.

(cara)," a cuminsa na 2004 como un marca di makiyahe accesible kende su produccionan inicialmente tabata ser bendi solamente online. El a expande den tiendanan di benta manera Target y a crece mas den paso cu modanan di medionan social cu ta destaca version menos caro di produccionan di calidad halto.

Aruba Bank cu un donacion di 100MIL florin na Aruba Conservation Foundation



Den celebracion di su 100 aña di sirbi su comunidad di Aruba, Aruba Bank ta orguyosamente anuncia su compromiso continuo cu sostenibilidad y bienestar di e isla.

Como parti di su "Legacy Project", Aruba Bank a entrega un donacion significativo di AWG 100,000 na Aruba Conservation Foundation, pa apoya e transformacion di Hofi Shon Shoco na un espacio sostenibel y educativo.

"Ta un gran placer pa nos ta aki awe cu Aruba Conservation Foundation, un organizacion cu tin un rol importante den preservacion di nos naturalesa," segun Aruba Bank.

"Den cuadro di nos celebracion di 100 aña, nos ta masha

orguyoso di contribui na un proyecto cu ta pone enfoca riba educacion, conservacion, y bienestar pa futuro generacion.

"Asina Nataly Simmons-Thompson, Chief Strategy & Transformation Officer di Aruba Bank a comparti cu tur presente durante e bishita y entrega di e donacion.

E transformacion di Hofi



Shon Shoco lo sirbi como un modelo di un hofi sostenibel, cu elemento educativo, restauracion ecologico y espacio pa comunidad. E meta ta pa crea un espacio no solamente pa proteha nos herencia natural, pero tambe inspira amor y respet pa naturalesa den nos comunidad.

Aruba Bank ta gradici Aruba Conservation Foundation pa nan pasion, dedicacion, y vision pa un Aruba mas berde y sostenibel. E donacion aki ta refleha Aruba Bank su compromiso continuo pa inverti den proyecto cu tin impacto positivo riba comunidad y medioambiente.



A causa di acusacion di violacion cu a haci den su contra

Smokey Robinson ta demanda ex empleadonan pa difamacion

(AP) — **Smokey Robinson a presenta un demanda di difamacion contra cuater housekeeper cu a acus'e di violacion y a pone cu polis a haci un investigacion.**



Robinson y su casa Frances Robinson a presenta e contra-demanda diaranson den Corte Superior di Los Angeles contra e muhernan y nan abogado kende nan acusacion, nan ta bisa, tabata "fabrica den un plan di extorsion."

E presentacion ta un rechaso legal y publico, rapido y fuerte di e icono di musica di Motown di 85 aña como contesta riba e demanda di 6 di mei di e hende muher y un anuncio di 15 di mei di e Departamento di Polis di e condado di Los Angeles cu su Oficina di Victima Special ta "activamente investigando acusacionnan criminal" contra Robinson.

E muhernan ta pidiendo un compensacion di por lo menos 50 miyon dollar, alegando cu Smokey Robinson a viola y agredi nan sexualmente repetidamente den su cas ora nan tabata traha p'e entre 2007 y 2024. Nan a bisa cu Frances Robinson, un coacusado, a permiti esaki y a crea un lugar di trabao abusivo.

E contra-demanda ta habri cu mensahenan di texto amistoso di e muhernan pa contradeci nan declaracionnan contra Robinson, kende su cancionnan, incluyendo "Tears of a Clown" y "The Tracks of My Tears," a establece su persona entre e 'hitmakers' mas grandi di añanan 1960.

E declaracion ta bisa cu e muhernan "a keda cu e Robinsonnan aña tras aña," a bay vakantie cu nan, a celebra dianan di fiesta cu nan, a intercambia regalo cu nan, a pidi carchi pa su conciertonan y a busca y ricibi yudansa di nan incluyendo placa pa cirugia dental, sosten financiero pa un miembro di famia cu discapacidad, y "hasta un auto."

E archivo — cu ta inclui potretnan di e vakantie y reunionnan como exposicion — ta bisa cu a pesar di e generosidad di e pareha, e muhernan "secretamente a warda rencor pa e famia Robinson y a busca enrikece nan mes a traves di e rikesa di e famia Robinson."

"Lamentablemente, e profundidad di e avaricia di e demandantenan no conoce limite," e contra-demanda ta bisa. "Durante e mesun tempo cu e famia Robinson tabata extraordinariamente generoso cu e Demandantenan, e Demandantenan tabata construi un plan extorsionante pa kita tur cos for di e famia Robinson."

John Harris y Herbert Hayden, abogado di e muhernan cu tabata mancha e cas, a bisa den un declaracion cu e demanda di difamacion "no ta nada mas cu un intento pa silenciar y intimidar e sobrevivientenan di e agresion sexual y asalto di Sr. Robinson. E ta un maniobra legal sin base y vengativo disena pa re-victimisa, kita culpa y descurasha otronan for di comodidad."

E abogadonan a bisa cu nan tin intencion di laga e demanda di e famia Robinson keda rechasa door di invoca e leyman di California contra di uso di e corte pa silenciar y intimidar victimanan cu ta demanda.

E cuater muhernan, kende nan nomber no ta revela den nan demanda, cada un ta alega cu Robinson lo a warda te ora nan tabata nan so cune den su cas na Los Angeles y despues a agrede nan sexualmente y viola nan. Un dama a bisa cu el a ser agrede por lo menos 20 biaha mientras e tabata traha pa Robinson for di 2012 te cu 2024. Un otro a bisa cu el a traha p'e for di 2014 te cu 2020 y a ser agrede por lo menos 23 biaha.

E Departamento di Polis no ta duna detaye riba su investigacion fuera di confirma su existencia.

Robinson, kende tabata un figura central den e mashin di Motown Records cu su grupo the Miracles y como un artista solista, ta un miembro di tanto Rock & Roll Hall of Fame como Songwriters Hall of Fame.

AMC UNICON
**WAREHOUSE
CLEARANCE
SALE!**
2 DAYS ONLY
MAY 30 & 31

ALL ITEMS
MUST GO!

GET UP TO

**70%
OFF**

AVENIDA MILIO CROES 56



amc unicon

Aruba lo ta bon representa na ASU2025 den e evento di “Open Water”

Atleta di natacion Britta Schwengle ta clasifica pa weganan Panamericano Junior

Recien nos a ricibi e grato noticia cu atleta di natacion den e disciplina di “Open Water” Britta Schwengle a logra clasifica pa e Weganan Panamericano Junior di

Asuncion 2025, cu lo tuma luga den luna di augustus proximo.

Britta a participa ultimo den e mesun evento na Weganan Panamericano di Santiago

2023.

Nos ta felicita Britta cu e logro aki y ta desea tur tipo di exito.



Copa Noord 2025 a continua:

Royal Power Tat Fat Campeon di 2018 ta derota Calabas Blue Jays Campeon di 2019 cu score di 7-5

Copa Noord 2025 dedica na Johannes “Poy” Flanegin, Alvaro Barrios, Nel Frank y Francis Arcaya a continua cu varios wega fin di siman na veld di Kudawecha. Diadomingo merdia den pool A e dos ekiponan invicto, te na e momento ey, a topa otro.



SV Royal Power campeon di Copa Noord 2018 a topa Calabas Blue Jays campeon di Copa Noord 2019 den un tremendo partido pa defini kende lo bay ta na prome luga pa comanda pool A. Den prome inning Royal Power ta rally pa bay ariba 3-0. Royal Power ta amplia cu 2 careda mas den 2 y 4 inning pa haci e wega 5-0. Calabas Blue Jays no ta baha cabes y den bom di 5 inning ta rally pa empata

e wega 5-5. Kelvin Silvania ta drenta den di 6 inning como “pinch hitter” y ta conecta un doblete den deep left center pa empuha e careda di bay ariba 6-5 mientras Keith Hooker tambe ta anota den cabes di 7 inning riba un hit coriendo “bulando” di primera te home pa hasi e wega 7-5. Calabas Blue Jays no ta

entrega y ta menasa den bom di 7 inning cu 2 coreador den “scoring position” cu dos out pero riba un hugada sensacional di Gillian Wernet na tercera base ta fucila Randy Paredes na primera pa termina e partido.

Royal Power su batenan tabata na candela. Royal Power Tat Fat 7 careda, 16 hit, 1 eror

y ta laga 12 coreador na base. Calabas Blue Jays 5 careda, 9 hit, 1 eror lagando 5 coreador na base. Mihor bateadornan pa Royal Power a resulta Gillian Wernet 5-4, Giandrick Lacle y Kenny Hart ambos di 4-2, Kelvin Silvania di 1-1. Pa Calabas Blue Jays a luci na plato Randy Paredes di 4-3, Joshua Ramada y Marvin Brown di 4-2. Jomark Flanegin ta bay 7 inning completo pa seya e victoria riba su number. Roberto Vargas kende ta drenta releva Jomir Vrolijk den di 5 inning ta resulta e pitcher perdedor. Asina Royal Power ta pasa pa lidera pool A. Diasabra awor 31 di Mei cuminsando di 5pm Copa Noord ta continua cu 3 wega amistoso 5pm-7pm y 9pm.

Diadomingo 1 di Juni ta

100% pa Mary Joan Foundation

Diadomingo 1 di Juni SV Royal Power ta duna back pa un bon causa. Lo organisa 5 wega amistoso mientras Mary Joan Foundation lo tin e Bar y Cushina 100% pa nan recauda fondo. Lo hunga henter dia cu un bala di softball color “roos” pa e conscientisacion di cancer y e wega final atardi lo ta entre Spash vs Blackout Girls. Cuminsando 6 pm e banda Phenomenon lo t’e y pa pone ambiente. Henter pueblo di Aruba ta keda cordialmente invita pa pasa mira wega na veld di Kudawecha y duna bo contribucion na Mary Joan Foundation cual sigur ta pa un bon causa.

Team Snor a garna Red Stone!



Señores amante di bon domino, diasabra ultimo tabata tin otro sambom-baso di encuentro aya n’e mundialmente famoso Domino Square Garden aya net n’e grens entre Kudawecha y Calabas. E fuertisimo ekipo di Team Snor, bou liderazgo di e flamante “Snor” Perez, a demostra un biaha mas pakico nan ta “the team to beat” despues cu nan a garna e barancanan cora di Ayo Red Stone laga

solamente un sero di grijs atras! Kico por a bay fout n’e ekipo semper duro di Ayo, niun analista di domino por a splica. Por ta nan no sa e password nobo dje WiFi di Domino Square Garden, pa asina e señanan core “smooth” via WhatsApp? Nos lo keda pendiente pa mas investigacion.

Den un frega di wowo, Team Snor a bay dilanti cu score di 4-1! Ayo Red Stone ta haci



un intento heroico pa alcanza Snor y ta yega cerca cu score di 4-6 pa Team Snor. Aki capitan di Team Snor, den su mes un palabranan, ta pone un y tur hala faha mara y e score ta keda bay na un pa mi, un p’e, y halftime ta bay aden cu bentaha pa Team Snor di 11-9. Pasapalanan a skeiro rond completamente gratis y publico en general tabata gosando di un tremendo ambiente. Segunda tanda

ta bay aden, y ata! Ayo Red Stone ta haci un comeback monstruoso, ta gana 4 wega sigui, y ta tuma un bentaha di 13-11! Aki Team Snor a bay den “panic mode”, a hala tur bela manda haltu, a tira nitro den tur motor, sea nitro di Schotland of local, y c’un salida enorme Team Snor ta bay laga Ayo Red Stone atras cu score aplastante di 21-13! E barancanan cora di Ayo a wordo garna te na stof di

Sahara cu a keda zweef rond den e aire friu di airco! Shonnan, keda pendiente pasobra mas cu claro e cos aki no ta bay keda asina! Y, shonnan, prome cu ceramento dje reportahe aki, noticia a caba di drenta cu Domino Square Garden, conhuntamente cu Team Snor, ta trahando riba un otro torneo estilo knockout pa sacudi fundeshi di e teamnan di domino! Keda pendiente!

Chauffeur acusa di a causa daño fisico grave despues di e tragedia di e parada di futbol di Liverpool

(AP) — Un chauffeur cu a herida casi 80 hende ora su auto a dal den un multitud di fanatico di futbol di Liverpool cu tabata celebrando e campeonato di Premier League di nan ekipo a keda acusa diahuebs di a causa daño fisico grave intencionalmente y seis otro acusacion serio, un fiscal a bisa.

Paul Doyle, di 53 aña, tambe a ser acusa di stuurmento peligroso y cinco otro acusacion cu ta alega diferente variacion di causa of purba causa daño fisico grave. Fiscal Sarah Hammond a bisa.

E acusacionnan ta carga un castigo maximo di cadena perpetua den prison si e ser condena.

E acusacionnan ta encera seis victima, incluyendo dos mucha.

E heridonan tabata entre 9 pa 78 aña di edad, cu por lo menos 50 persona trata na hospital. Siete persona a keda den hospital diahuebs den condicion stabiel.



Hammond a bisa cu e investigacion tabata den un fase trempan mientras cu polis ta revisa un volumen grandi di evidencia, incluyendo videonan y declaracion di testigo.

“Ta importante pa garantisar cu cada victima ta haya e husticia cu nan merece,” Hammond a bisa.

E ciudad tabata celebra e di 20 titulo di Liverpool cu a empata record ora e chauffeur a bira den un caya yen di fanatico y e alegria a bira tragedia liher.

“Nos sa cu e escena espan-

tosu di dialuna por a ser sinti rond di e ciudad di Liverpool, y henter e pais, riba loko mester tabata un dia di celebracion pa centenar di miles di sostenedor di Liverpool FC,” Hammond a bisa.

Doyle a keda den detencion y ta enfrente su prome audiencia di corte diabierna den Corte di Husticia di Liverpool.

Polis a bisa anteriormente cu nan ta kere cu Doyle a evita un blokeo di caminda door di sigui un ambulans cu tabata responde na un informe di un persona den paro car-



diaco.

Video cu a circula riba medianan social a mustra escenanan di horror ora e auto a dal y tira un persona den laira cu tabata bisti den un bandera di Liverpool y despues a desvia den un lama di hende yena na canto di caminda.

Por lo menos cuater persona, incluyendo un mucha, a ser rescata for di bao di e vehiculo ora el a para.

Polis di Merseyside a bisa cu ta kere cu e chauffeur a actua su so y nan no ta sospecha terrorismo.

Nan no a divulga un supuesto motibo pa e acto.

“Mi ta compronde completamente con e incidente aki a laga nos tur spanta y tristo, y mi sa cu hopi lo sigui tin preocupacion y pregunta,” Asistente di Hefe di Polis Jenny Sims a bisa durante un conferencia di prensa cortico.

“Nos detectivenan ta trahando incansablemente, cu diligencia y profesionalismo pa busca e contesta riba tur e preguntanan ey.”

Corte di Argentina ta declara un mal huicio den e morto di e strea di futbol Maradona

(AP) — Un corte Argentino a declara un mal huicio den e caso di shete profesional di salud acusa di negligencia den e morto di e leyenda di futbol Diego Maradona, e ultimo cambio dramático den un huicio cu a capta e nacion y e mundo di futbol pa mas cu dos luna.

E huesnan a dicta cu lo tin un huicio nobo, sin especifica ki dia.

E decision ta bin despues cu un di e tres huesnan cu ta supervisa e huicio a baha pa motibo di critica tocante su participacion den un documental proximo tocante e caso, Husticia Divino, cual ta abarca e consecuencianan di morto di Maradona te na cuminsamento di e huicio.

Un trailer di un minuut y mey ta mustra imagnan di archivo di Maradona anotando gol cu tironan di e hues, Julieta Makintach, ta cana ariba e cancha.



Presentando e trailer den corte, e fiscal a pidi huesnan pa investiga e supuesto rol di Makintach den permiti e documental pa ser graba durante e huicio.

Despues cu e documental a bira un scandal nacional, Makintach a bisa diamars cu e no tabatin “otro opcion” mas cu renuncia di e caso.

Como resultado, e huesnan a dicidi diahuebs pa cuminsa henter e caso di nobo, efectivamente birando e holoshi back riba tur e procedemento

for di 11 di maart, ora e huicio a cuminsa meymey di un control intenso di medianan di comunicacion y a yama decena di testigo distrai pa testigua durante e siguiente simannan.

E decision di diahuebs a pone e liña di tempo di e huicio den duda, cu inicialmente tabata spera di dura te cu juli. E panel a bisa cu un corte superior lo selecta e tres huesnan nobo pa medio di loteria.

E caso ta acusa e ekipo medico di Maradona di no a duna



cuido adecua na e strea di futbol den e simannan prome cu 25 di november 2020, ora cu na e edad di 60 aña, Maradona a muri di paro cardiaco mientras e tabata recupera di un operacion pa un coagulo di sanger na e cerebro.

E acusadonan den e caso ta inclui Leopoldo Luque, e dokter principal di Maradona na momento di su morto, y tambe su psicologo, psiquiatra, coordinador medico y enfermeronan.

Nan tur ta nenga e acusa-

cionnan y ta bisa cu Maradona tabata un pashent difícil cu no a permiti nan dun’e tratamiento.

Maradona, kende ta famoso pa a gana e Copa Mundial cu Argentina na 1986, ta ser considera como un di e miho futbolistanan den historia.


Na cas, su compañeronan Argentino ta respet’e como un heroe nacional.

China ta lansa nave espacial cu lo trece muestranan y ‘descubrimiento pionero’

(AP) — China a lansa un nave espacial cu ta priminti trece back muestrandi un asteroide cerca di Mars y duna “descubrimiento pionero y amplia e conocimiento di humanidad di cosmos,” e agencia espacial di e pais a bisa.

E sonda Tianwen-2 a lansa diahuebs trempan for di parti sur di China abordo di e raket Long March 3-B. E sonda lo recoge muestranan di e asteroide 2016HO3 y explora e cometa di faha principal 311P, cu ta situa mas leu for di Tera cu Mars, segun e Administracion Nacional di Espacio di China.

Shan Zhongde, hefe di CNSA, a ser cita bisando cu e mision Tianwen-2 ta representa un “paso



significante den e biahe nobo di exploracion interplanetario di China” y durante su mision di un decada lo “produci descubrimiento pionero y amplia e conocimiento di humanidad di e cosmos.”

Muestranan di 2016HO3 mester ser debilbi den mas o menos dos aña. E asteroidenan, scogi pa nan

orbita relativamente stabiel, ta spera di ofrece pistanan riba e formacion di Tera, manera e origen di awa.

China mas trempan a debilbe muestranan di piedra for di e parti mas leu di luna back na Tera den un mision historico y a yama bon bini na cooperacion internacional. Sinembargo,

cualquier cooperacion cu Merca ta depende di kita un ley Mericano cu ta prohibi cooperacion bilateral directo cu NASA.

E banda cerca di luna ta ser mira for di Tera y e banda leu ta wak espacio. E parti mas leu tambe ta conoci pa tin sero y krater di impacto y ta mucho dificil pa yega.

China tambe ta opera e stacion espacial Tiangong, of “Palacio Celestial” cu tres persona, haciendo e pais un actor grandi den un era nobo di exploracion espacial y e uso di stacionnan permanente pa conduci experimentonan den espacio, specialmente ya cu e stacion tabata completamente construi pa Chines despues cu e pais a keda exclui for di e Stacion Espacial Internacional pa motibo di

preocupacion nacional di Merca.

E programa espacial di China ta ser controla pa e Ehercito di Liberacion di Pueblo, e rama militar di e Partido Comunista na mando.

E programa espacial di e pais a crece rapidamente den e mas cu 20 añanan desde cu el a pone un homber den espacio pa prome biaha, solamente e di tres pais pa haci esaki bao di su mes velocidad. E agencia espacial a baha un explorador sin tripulacion riba Mars y un rover na e parti mas leu di luna. E tin como meta pa pone un persona riba luna prome cu 2030.

Un futuro mision Tianwen-4 Jupiter lo explora Jupiter, aunke detayenan no a ser publica.

Minister Hulandes kier permiti mas uso di AI den agricultura

(NLTimes) – Minister di Agricultura Femke Wiersma a anuncia plan pa cambia ley y regulacion Hulandes pa haci mas facil pa cunukeronan usa inteligencia artificial y otro tecnologia avansa den nan operacionnan, NOS ta informa.

E cambianan proponi lo legalisa practica manera monitoreo di cultivo asisti pa drone y fertilisacion mas frecuente pero na escala mas chikito — metodonan cu ta prohibi actualmente bou di reglanan existente. Wiersma, un miembro di BBB, a yama e reformanan “absolutamente necesario” pa “e sobrebivenencia y perspectiva pa futuro di agricultura.”

Den e curason di e proposicion ta e aplicacion mas amplio di precisielandbouw, of agricultura di precision, cu ta encera uso di drone pa traha un mapa di e condicion di cultivonan den tempo real. Door di identifica cua matanan exactamente ta prospera y cua no, cunukeronan por dirigi riba areanan specifico pa fertilisacion en bes di spuit terenonan completo uniforme.

“Esaki no solamente ta bon pa eficiencia, pero tambe pa medio ambiente,” Wiersma a bisa. Sinembargo, ley actual ta restringi e fertilisacion dirigi pasobra e ta rekeri aplica-



cion mas frecuente, hasta si ta den cantidad mas chikito. Regulacionnan tambe ta clasifica drone como avionnan cu ta spuit cultivo — cu ta prohibi na Hulanda — asina prohibiendo nan uso pa spuit mata completamente.

Wiersma a critica e cuadro legal actual, yamando esaki “un obstaculo,” y a bisa cu e tin intencion di presiona su colega Barry Madlener, Minister di Infraestructura y Maneho di Awa, pa tuma e asunto cu urgencia. “Mi lo hala e atencion di Madlener sigur pa pone esaki riba agenda. Mi ta kere cu esaki ta algo cu Gabinete mester atende di manera pro-

activo,” el a bisa. Un di e pioneronan mas visibel di agricultura di precision ta Jacob van den Borne, un cunukero di batata na Reusel, Noord-Brabant. For di 2010, Van den Borne a usa drone pa vigila su terenonan. Pa opera nan legalmente, el a tuma e paso inusual di aplica pa — y ricibi — status di aeropuerto pa un seccion di su tereno. Desde 2019, e lugar ta conoci oficialmente como Aeropuerto di Reusel.

“Nos tin hopi solucion tecnologico cu ta conduci na mihor calidad y rendimiento mas halto,” Van den Borne a bisa NOS. “E tecnologia aki

ta bay zorg pa mi yiunan tin un futuro den agricultura ainda. Pero e leyman actual ta para den caminda.”

Mientras cu e entusiasmo pa agricultura di precision ta creciendo segun informe, e adopcion ta keda limita. Investigador Paul van Zoggel di Universidad y Investigacion di Wageningen (WUR) a reconoce cu Hulanda “ainda realmente ta den e fase di adopcion trempan.”

Segun un encuesta recien realisa pa LTO Noord, solamente 14 por ciento di negoshinan agricola y horticultura Hulandes actualmente

ta uza tecnologianan di AI. Hopi cunukero sea no tin familiaridad cu e opcionnan of ta keda skeptico tocante inteligencia artificial.

Van Zoggel ta kere cu diferencianan di generacion ta hunga un rol. “Cunukeronan di edad mas halto tin solamente cinco of seis aña prome cu nan baha cu pensioen y ta pensa, ‘Esaki no ta pa mi.’ Esey ta un reaccion hopi natural,” el a bisa NOS. “Pero cunukeronan mas jong, cu ainda tin trinta aña nan dilanti, ta bisando, ‘Trece esaki. Duna mi un horizonte, y lo mi wak si mi por yega eyan cu tecnologia di precision.’”

Wiersma a enfatisa cu haciendo e cambianan aki visibel ta vital pa e sostenibilidad di agricultura Hulandes a largo plaso. Su ministerio tin como meta pa atende tanto e status legal di drone como e restriccionnan riba plan di fertilisacion, habriendo caminda pa implementacion mas amplio di AI y otro invasionnan den e sector di agricultura.

Sea cu Gabinete move liher of no riba nan proposicionnan lo depende parcialmente riba coordinacion cu Ministerio di Infraestructura y Maneho di Awa, y tambe e resultado di e discusionnan den Tweede Kamer. “Esaki ta tocante sigura e futuro di nos cunukeronan y e suministro di cuminda,” Wiersma a bisa.

Academico Mericano ta sali for di Tailandia despues cu a retira cargonan den su contra

(AP) - Tailandia su procurador general a confirma cu e no lo persigui un academico Mericano cu a detene den comienso di april bao cargo di difamacion real, su abogado a bisa diahuebs. E ofensa aki ta castigable cu te hasta 15 aña den prison.

Paul Chambers, ken ta emplea como un profesor di ciencia politico na Naresuan University na e provincia di Phitsanulok, a sali for di Tailandia despues di e decision, su abogado Akarachai Chaimaneekarakate, a confirma, sin revela su destino.

E oficina di procurador general ya caba a anuncia dia 1 di mei cu e no tin intencion di formalmente entrega cargo contra Chambers di 58 aña y naci na Oklahoma, a causa di un falta di evidencia. Sinembargo el a permiti polis di e area, cual originalmente a trata e caso, evalua su decision.

E grupo di abogadonan Tailandes pa derechonan humano, cual a yuda den Chambers su defensa, a bisa riba su website cu polis tabata en contra di e decision aki, cual despues a bay back na



mesa di e procurador general, ken na su turno a reafirma su decision di no persigui e acusacion formal.

Un apelacion di e revocacion di Chambers su visa y otro cu ta desafia su despido di parti di Naresuan University te ainda ta pendiente, Akarachai a comenta.

Chambers su detencion a genera preocupacion for di e comunidad academico, specialmente di esnan Asiatico rond di mundo demas di gobierno Mericano a causa di restriccion riba libertad di expresion.

Tailandia su ley Lese Majeste ta stipula un detencion di 3 pa 15 aña pa cualkier persona

cu difama, insulta of menasa e rey, reina y nan heredero of representante di un monarca. Criticonan ta bisa cu esaki ta entre esun mas pisa di su tipo di ley den cualkier parti y tambe a ser usa pa castiga e criticonan di e gobierno y ehército.

E monarcia tin hopi tempo como un pilar di e sociedad

Tailandes y critica esaki tabata sumamente taboo. Tailandesnan conservativo, specialmente den ehército y corte, te ainda ta considera esaki intocable.

Chambers a specialisa den studia e poder y influencia di ehército Tailandes, cual ta hunga un rol grandi den politica. El a orkestra 13 golpe de estado desde cu Tailandia a bira un monarkia constitucional den 1932, esun mas recien 11 aña atras. E tabata deteni a causa di un keho haci pa e oficina regional di e ehército su Internal Security Operations Command.

Un di su oficialnan a bisa den un investigacion parlamentario cu el a entrega e keho a base di un publicacion riba Facebook cu a traduci palabranan for di un website opera pa ISEAS - Yusof Ishak Institute, un think tank na Singapur, tocante un webinar unda a trata politica Tailandes cu a inclui Chambers como participante.

Chambers su sostenedornan a bisa cu e parti di e webinar, cual a cita den e keho como evidencia, no tabata skirbi pa su persona.

Alcalde di Rio ta suavisa reglanan nobo tocante musica en bibo despues di protesta

(AP) - Rio de Janeiro su alcalde riba diamars a suavisa restriccions nobo tocante musica en bibo na e ciudad su beachnan despues cu varios persona a adverti du un menasa na e escena cultural dinamico.

Alcalde Eduardo Paes anteriormente e luna aki a introduci e medidanan y a reforsa esnan existente, citando e necesidad di protege seguridad publico y medio ambiente ademas di promove relacionnan pacifico entre turistanan y residentenan.

E medidanan, cual lo drenta den efecto diadomingo, ta prohibi e benta di cuminda y bebida, huur stoel, speaker y musica en bibo na kioskonan sin permiso oficial. Criticonan a adverti tocante un menasa na e ingreso di varios musico y bendededor local.

Rio su gobierno di e ciudad a suavisa algun parti di e decreto



incluyendo regulacion estricto di musica en bibo y e prohibicion di boternan di glas na e kioskonan. Doñonan di e hut na beach lo ta permiti di tin number, no solamente number, pero nan mester cumpli cu un formato estableci.

“Musica lo bolbe beachnan,” Julio Trindade, ken ta traha como DJ na e kioskonan y a campaña contra e medidanan a declara. “Rio su beachnan ta conoci mundialmente y ta merece di tin musica.”

Otro medidanan incluyendo e prohibicion di speaker y accion contra benta no regula di cuminda y bebida lo keda na luga, segun gobierno di e ciudad a bisa den un declaracion. “E ciudad lo keda vigilante riba nos beachnan pa garantisa cu ordo publico keda manteni y cu sigui respeta espacionan publico,” secretario di Rio pa orden publico, Brenno Carnevale, a bisa den un declaracion.

Paes a bisa cu e restriccions riba musica en bibo a keda



introduci pa motibo cu algun kiosko tabatin cantica riba e volumen permiti y tabata keda toca mas laat cu 10or di anochi, cual ta e limite cu ley ta stipula.

“Cualquier persona cu no respeta e reglanan ta enfrenta un boet di 1,000 reais (alrededor di \$180) pa e prome violacion y un boet di 2,000 pa e di dos. Pa e di 3 violacion, nos lo cancela e licencia y cambia e doño di e kiosko,” e alcalde a declara.

United Street Vendors' Movement, cual a protesta diamars na e asamblea municipal, despues a bisa cu el a reuni cu presidente di e asamblea Carlos Caiado.

“Nos ta garantisa un paso padilanti: e creacion di un grupo cu e participacion di representantenan di bendedornan pa dialoga seguridad, regulacionnan sanitario y mas importante, e legalisacion di nos categoria,” e movimiento a bisa.

Accidente cu 3 auto involvi y hende herida na Westpunt



Diadomingo anochi a drenta informe di un accidente cu hende herida na Westpunt, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente entre 3 auto

unda e chauffeur di un Nissan March a baha caminda y a bay dal tras di un Mazda Axela y a manda esaki bay dal tras di un Ford Edge. Debi na

e fuerte impacto e chauffeur di e March a resulta herida. Na yegada di e ambulans nan a atende e victima y a transporte pa hospital.

Tanto e Nissan March como Mazda Axela a ricibi hopi daño mientras e Ford Edge e daño tabata minimal.

Bomberonan a bay cu urgencia pa un candela den un restaurant na Costa Linda



Diadomingo madruga a drenta informe di un candela na Costa Linda, mesora a dirigi tanto polis como bomberonan na e sitio.

pronde cu aki lo ta trata di un acumulacion di huma na un establecimiento den e lugar.

Na yegada di bombero a habri e luga pa investigacion haci na e sitio.


A bin logra saca afo cu aki ta trata di un corto circuito na un plug.

Bomberonan mesora a kita e plug y a habri e restaurant pa saca e huma for di e luga.

Na yegada di polis a bin com-



Polis y ambulans a acudi na un accidente cu hende herida na Wintergarden



Diadomingo anochi a drenta informe di un accidente cu hende herida dilanti Wintergarden na Savaneta, mesora a dirigi tanto polis como ambulans na e sitio.

compronde cu aki ta trata di un accidente unda cu e chauffeur di un Toyota Yaris no a regula su velocidad ni a mantene distancia y a bay dal tras di un Honda Fit.

Debi na e fuerte impacto, e chauffeur di e Yaris a

resulta herida. Polis a test e chauffeur y el a surpasa e limite di alcohol den su curpa y a detene.

Como e chauffeur a resulta herida polis a bay hunto cun'e den e ambulans.

Na yegada di e patruya a bin

Departamento di Impuesto lo ta cera awe

En conexion cu Dia di Asuncion y un dia colectivo di ATV



Departamento di Impuesto ta participa cu su oficina principal na Camacuri como tambe tur otro oficina den distrito lo ta cera riba diabierna dia 30 di mei 2025. Esaki en con-

exion cu Dia di Asuncion y un dia colectivo di ATV.

Dialuna dia 2 di juni 2025, Departamento di Impuesto lo brinda servicio segun e orarionan di custumber.

Departamento di Impuesto ta pidi tur contribuyente pa tuma bon nota di e cambio menciona pa evita cualkier inconveniencia.

Dia 2 di juni ta ultimo dia pa entrega declaracion definitivo di winstbelasting 2024 y haci pago correspondiente



Departamento di Impuesto ta recorda cu dia 2 di juni proximo ta e ultimo dia cu por entrega e declaracion definitivo di winstbelasting 2024 y haci e pago correspondiente. Manera ta conoci, desde aña fiscal 2023 mester entrega e declaracion di winstbelasting den forma electronico via e portal "BO impuesto" (BOi). E formulario digital ta disponibel den BOi desde 7 di maart 2025. Awor e fecha final ta yegando y ta importante pa e contribuyentenan di winstbelasting cumpli na tempo.

Entrega e declaracion y haci pago

Si acaso no ta alcanza pa entrega e declaracion definitivo pa dia 2 di juni 2025, ta consabel pa entrega e declaracion provisional (voorlopige aangifte) y haci e pago correspondiente no mas laat cu dia 2 di juni 2025. Inspector lo evalua e peticion y si e contribuyente cumpli cu e condicionnan pa extension, e ultimo dia pa entrega e declaracion definitivo y haci e pago correspondiente ta bira dia 2 di december 2025. Debi cu Inspector tin cu evalua e peticion pa extension di termino, ta recomendabel pa entrega e declaracion provisional di awor caba y no warda te dia 2 di juni. Si sosode cu Inspector no bay di acuerdo cu e peticion, e ora e contribuyente tin tempo ainda pa entrega e declaracion definitivo.

Account di BOi
Tur contribuyente di winstbelasting mester tin un account di BOi pa por log in den e portal y yena e formulario di declaracion. Ta importante pa remarca, cu cada contribuyente ta administrador principal di su account (belastingplichtige admin). E tin su propio number di usuario (username) y password. Si acaso e contribuyente tin un consehero fiscal (belastingadviseur), e por autorisa su consehero via BOi pa

atende cu su winstbelasting.


Pa preveni uzo indesea di su datonan di impuesto, ta importante pa e contribuyente nunca duna un tercera (un persona of consehero) e datonan pa log in den su portal. Conseheronan tin nan mesun datonan pa log in den BOi.

















Si no tin un account di BOi
E contribuyentenan di winstbelasting cu no tin un account di BOi mester haci un peticion mesora via impuesto.aw: Home > Digitale formulieren > BOi account. Si mientrastanto un compania a wordo registra como "opgeheven" na Camara di Comercio, mester meld esaki tambe na Departamento di Impuesto. E companianan cu no tin actividad comercial pero ta registra na Camara di Comercio, tin e obligacion di entrega e declaracion di winstbelasting. Pa cu esaki e compania mester tin su account di BOi pa e por drenta den e portal. Keda sin cumpli lo bay causa un boet locual no ta necesario.



Incumplimento
Contribuyentenan cu no cumpli cu entregamento di e declaracion definitivo, lo haya un cobranza adicional esta un 'naheffingsanslag' inclui boet. Mescos ta conta si acaso e cliente a paga un suma menos cu locual el a declara na winstbelasting. E boet pa incumplimento di entregamento di e declaracion ta maximo


Afl. 2.500. Si e contribuyente no haci e pago di winstbelasting of no haci e pago correctamente, e boet ta maximo Afl. 10.000.



Departamento di Impuesto ta conseha tur contribuyente di winstbelasting y/of nan conseheronan fiscal pa no warda te na ultimo pa entrega e declaracion y haci e pago di winstbelasting correspondiente pa evita un cobranza adicional (naheffingsanslag) y e boet pa incumplimento.

Resultado Sorteo Mei 28			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
9715	8762	0449	0952
7121	2768	SUPER5	6476
2638	1053	-	8287

MERDIA	ANOCHI
 Sorteo # 4634 4471 8661 9651  X2  Sorteo # 4634 8685  X2  Sorteo # 2690 4319  Sorteo # 4634 7746 Geminis  Sorteo # 1508 013  FP	 Sorteo # 8556 1927 0023 0476  X3  Sorteo # 7600 6005  X2  Sorteo # 2305 7495  Sorteo # 6359 2176 Leo  Sorteo # 1289 806  FP

 Sorteo # 2596 1 x Jackpot 1 x Match 4+ 17 x Match 4 476 x Afl. 12,00	06-14-25-26-34 Joker 8 Letter B Proximo Jackpot 100.000,-
 Sorteo # 6840 0 x Jackpot 7 x Match 4 171 x Afl. 8,00	07-21-23-27-28 Proximo Jackpot 60.000,-

 Sorteo # 0 x Jackpot 1 x match 4 2 x Afl. 500,00 44 x Afl. 50,00 91 x Afl. 15,00	Mega Ball Proximo Jackpot 360.000,-
Afl. 500.000,-	

 Sorteo # 	
---	---



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

Rode Kruis Aruba

Pedro Gallegostraat 14
Tel.297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
del Pueblo Centro Medico:
Tel. 582 1253 Tel. 584 5794

EMERGENCIA **911**

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Oficial ta rescata muhe den auto na candela despues di accidente na Phoenix

(AP) - Un muhe pega dentro di un vehiculo na candela na Phoenix a ser rescata pa un oficial cu pa suerte tabata pasando y a para pa yuda, pa medio di kibra e bentaa.

E rescate diasabra mainta trempan a sucede mientras oficial Dakota Berry tabata regresando na su trabao na Goodyear despues di a betene un sospechoso na prison. Ora cu el a mira e accidente entre dos vehiculo na Interstate 10, Berry por a tende pitamento di e vehiculo cu tabata na candela y a ripara cu un hende ta paden di esaki.

El a core drenta su vehiculo di patruyahe pa busca un herment pa kibra bentana. El a core bay back na e vehiculo y a kibra varios buraco na e bentana di e banda di chauffeur. Na momento aki e pisanan di e muhe en cuestion a sali. "Core sali, sali," Berry a bisa. E muhe, ken su cabey tabata na candela, tabata na yoramento. E oficial a gara su pianan y a sak'e for di e auto via e bentana kibra.

El a ser hiba den condicion critico na un centro di kemaadura y ta premira cu e lo sobrevivi e incidente. Berry, ken a purba paga e candela cu su mannan finalmente a logra pag'e, pero a sufri un herida na su man durante e rescate.

E muhe en cuestion ta yiu di un bombero di Goodyear. "Por mas ironico cu esaki ta,



mi lo a haci e mesun cos pa kien cu ta, cualkier miembro di e comunidad," Berry a bisa reporteronan diaranson. Despues cu a saca e muhe

for di su auto, Berry a pone luznan di advertencia na e caminda pa asina garantisca cu no sucede mas accidente.

Pronostico di tempo

Tempo:

Awe nochi: parcialmente nubia y generalmente seco
Den marduga y mañan: parcialmente nubia cu un awasero breve

Temperatura maximo 33 grado Celsius
Temperatura minimo 28 grado Celsius
Indice di calor (heat index) den y rond di oranan di merdia: 34 pa 40 grado Celsius
Uv index: 12

Bahada di solo : 7:01pm
Subida di solo : 6:13am

Biento:

Moderate te basta fuerte for di direccion oost; forsa 4 te 5 (20 te 39km/ora, 11 te 21 nudo)

Den di dia fuerte te duro den rafaga; forsa 6 te 7 (40 te 61km/ora, 22 te 33 nudo)

Situacion general di tempo: Extension di e area di presion halto riba Atlantico lo sostene un biento fuerte te duro den rafaga durante proximo dianan. Atmosfera regional ta relativamente seco. Debi na esaki no ta spera awasero di importancia den e periodo di pronostico aki.

Un concentracion leve di stof di Sahara lo ta presente den atmosfera regional. Sinembargo, ta spera un aumento den e concentracion durante e proximo dianan. Esaki lo stroba e visibilidad un poco y lo trece aire di menos calidad den region. Personanan cu



tin sensibilidad pa cambio den calidad di aire mester tene esaki na cuenta.

**Condicionnan maritimo/
estado di lama:**

Na partinan protege di costa: keto, rond di 1 pia.
Na partinan zuid: trankil te modera cu olanan di 1 pa 3 pia.
Na partinan oost te noordwest di costa: generalmente modera cu olanan di 4 pa 6 pia localmente 7 pia

Aurora

Royal Pray

Funeral Home & Crematory

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”.
Salmo: 23

Cu tristesa na nos curason y conforme cu boluntad di Dios,
Nos ta anuncia fayecimento di nos ser stima

**Marlon Edward
Urlers Flanegin**
19 december 1971
– 18 mei 2025
Miho conoci como
Pa, Papi of Uti



Na number di su:
Yiunan:
Xerxes Flanegin (Hulanda)
Yoshua Flanegin
Xylia Flanegin
Xylon Flanegin
Mama di su yiunan:
Sue-Ann Croes
Mayornan:
Victoriano y †Libia Flanegin-Willems
Rumannan:
Luis y †Sonia Thiel-Kastaneer y famia
Sofia Thiel y famia
†Ramiro Thiel y famia
Ishel Thiel
Juan Carlos y Lourdes Thiel-Every y famia
Roland y Michelle Thiel-Roos y famia
Nelson y Roselyn Flanegin-Paesch y famia

Su amiga: Marcia y famia
Amigo di cas: Tony y Julisa

Ex coleganan di Firm NV, amigonan di Budweiser Bar & Restau-
rant,
amistadnan di Holiday Inn Casino, Alhambra, Seaport y Windcreek

Su tanta- y omonan, primo- y primanan, amigo- y amiganan y con-
ocirnan.

Famia: Flanegin, Willems, Thiel, Kastaneer, Every, Roos, Paesch,
Croes, Kock, Yarzagaray, Roga, Quandt, Alberts, Geerman y Wer-
leman.

Ta invita pa condolencia y despedida, dialuna 2 di juni 2025, di 7’or
pa 9’or di anochi na Aurora Funeral Home.

Cremacion lo tuma lugar den seno familiar.

Despensa nos si nos por a lubida cualkier famia den nos momento
di tristesa.

Despues di condolencia nos no por ricibi bishita na cas.

Aurora

Royal Pray

Funeral Home & Crematory

Samen zwemmen, dansen haast, slag na slag naar de
horizon
Dankbaar voor alle liefde die zij gaf is op 17 mei van
ons heengegaan

**ANA MARIA
ISABEL de
WINDT**
Geboren te
Willemstad,
Curaçao, op 9
april 1946



Peter Paul Hermans

Rogier en Marike San Giorgi – Daalmeijer
Julius
Olivier
Bérénice en Pol Geusens – San Giorgi

Kees-Jan Hermans
Mariëtte Hermans
Jaap Hermans
Daan Hermans

Savaneta 246a, Aruba

Gelegenheid tot afscheid nemen is bij Aurora Funeral Home
Cumana #76 op
Zaterdag 31 mei van 19.00 tot 20.00 uur.

Aurora

Royal Pray

Funeral Home & Crematory

O Dios, mi Dios. Mi a sinti un gran
deseo pa topa cu bo.

Cu inmenso dolor na nos curazon, pero agradecido pa
tur locual e a nifica pa nos, nos ta participa fayecimento
cristianamente di nos tata y nos welo:



Sr. Andrecito Ridderstaat
*16-09-1936 †24-05-2025

Na number di su:
Su casa:
†Sra. Teresita A. Ridderstaat- Semeleer

Su yiunan:
Mildred Ridderstaat y Javier Ras
Andrecito Ridderstaat
Jorge y Mildred Ridderstaat-Dirksz

Su nieta- y nietonan:
Jamilene Ridderstaat
Javier Andre Ridderstaat
Jorge Santiago Ridderstaat
Jorge Guilherme Ridderstaat
Georgia Alysandra Ridderstaat

Su rumannan:
†Reina Lambertus- Ridderstaat y famia
†Hermonica Ridderstaat
†Luis Nemencio y Maria Ridderstaat-Diaz y
famia
†Joaquin Ridderstaat
†Regina y †Alfredo Ruiz- Ridderstaat y famia
†Juan y Gisela Ridderstaat – Maduro y famia

Su cuna- y swanan:
†Benny y Rosa Semeleer- Trimon y famia
†Eduardo y Fortunata Semeleer- Ruiz y famia
†Sra vuida Nicolasa Giel y famia
Sra vuida Cornelia Tromp y famia
†Alberto y †Teresita Semeleer- Ruiz y famia
†Sr vuido Jose Semeleer y famia
†Tommy y Anna Semeleer-Alders y famia
†Sra vuida Catharina Morittu-Semeleer y famia
Anna y †Beto Dijkhoff y famia
Rosa y Gert Juncker

Demas famia y conocirnan, Tur primo(a)nan,
sobrino(a)nan y demas famia. Bisiñanan y tur
conocirnan

Un danki na e dokternan y enfermera(o) nan
di piso 3 lado B pa nan bon trato durante su
enfermedad.

Nos disculpa si por a lubida un of otro famia den
nos tristeza

Acto di entierro lo tuma lugar Diasabra 31 di Mei
2025 di 9or pa 11or di mainta na Aurora Funeral
Home y despues lo Sali bai pa santana catolico
na Paradera.

Nos ta lamenta cu despues di entierro lo no por
ricibi bishita di condolencia na cas.

Aurora

Royal Pray

Funeral Home & Crematory

“Mi alma ta glorifica Señor y mi spirito ta goza cerca Dios
mi Salvador. Pesei laga tur locual ta spera mi ta bunita. Laga
tur locual rondona mi ta bunita. Laga tur locual mi laga
atras keda bunita y laga esakinan termina den tur bunitesa”

Conforme cu boluntad di Dios y gradecido na loke el a haci
y nifica pa nos,
nos ta participa fayecimento di



Sra. Betty Josefina Finol Cudris
Mihor conoci cu Betty
*13 February 1975 - † 25 Mei 2025

Na number di su:
Mama: Orfelina Cudris Velasquez
Tata: † Ramiro Finol Ortega
Esposo: Pablo Ignacio Caldera Cabrita
Suegronan: † Valentin Caldera Briseño y † Clara Eliza
Cabrita Montilla
Rumannan: Isabel Finol Cudris y Robert Silva Rome-
ro
Tur Tantanen y Omanan na Aruba, Colombia, Ven-
ezuela, Chile, España, Hulanda y USA
Madrinan: Carmelita Cantor de Figueroa
Padrinonan: Freddy Figueroa Chirinos
Cuñanan y Swanan: Juana Caldera Briseño, Maura
Cabrita, Olga y Juvenal Gomez , Anna y Pedro Ven-
como
Sobrinu- y sobrinanan: Robert Silva Finol y Claudi-
mar Carces, Miriam Nahaina Silva Romero y Kevin
Koolman na Hulanda
Bon Amiganan di cas: Jacky Isea, Mariela Kelly, Na-
haina De Cuba, Solange, Gret, Marlenka, Cesar, Ryan,
Arsenio, Victor, Jeffreson Luis, Edgard, Ali, Alex, Ja-
dira, Lean, Omira, Maysula, Magaly, Teresa, Rafael,
Sra Djanira.

Su enfermera/ Ajudante: Marlenka,

Primo- y primanan, comer- y compernan, tur iha na
Colombia y Venezuela.

Demas famia: Finol Cudris, Caldera Cabrita, Velas-
quez, Ortega, Silva Romero, Montilla, Briseño, Go-
mez, Vencomo, Kelly, Koolman, De Cuba, Croes,
Goncalves, Lovera, Oduber, Ras, Mireles, Duartes, Fa-
cundo, Garces, Maldonado, Farro, Cotes, Hernandez,
Pedroso, Vrolijk, Gonzalez, Noguera, Barrett, Moran,
Centeno, Flores, Garcia, Pachano.

Disculpanos si den nos tristeza nos por a lubida un of
mas number di famia

Cu gratitud na Dr. Jorge Duarte en Venezuela, Dra.
Facundo en Colombia, Dr. Jaramillo, Dr Kortes , en
Aruba y Dr Lorena Soto de ISMAN, Hospital Dr
Horacio piso # 4, Wit gele Kruis, Stichting Edmund
E. Harms Sr. Francis, Lab HOH prik post Zulaika,
HOH Eerste hulp y Abulance aruba

E acto di entierro lo tuma luga riba
Diabierna, 30 di mei 2025 di 2:00pm pa 4:00pm na
Misa St. Anna na noord
despues ta sali pa Santana católico na Noord

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forza”.
— Salmo: 23

Cu profundo tristeza pero conforme cu Dios su boluntad
y tur locual E la nifica pa nos, nos ta anuncia cu a fayece
cristianamente:



Tomas “Tinchi” Vrolijk
*07-03-1948 - †26-05-2025

Na number di su:

Esposa:
Marjorie Vrolijk- Kock
Yiunan:
Joanne Vrolijk y Jeffrey Semeleer
Dianne y Rachied Habibe
Myron y Wendimar Vrolijk
Yee San Tam y Aron van der Biezen
Yee Mei Tam y Ivanuar Webb

Nieto(a)nan: Iztali, Imani, Sienna, Devon, Lucienne,
Ilay, Alayna, Zaydion, Arzion, Jaynuar
Mayornan: † Raymundo y † Antonia Vrolijk- Wernet
Rumannan:
† Timoteo (Ety) y † Aura Vrolijk- Croes y yiunan
† Antonia Bernarda (Dina) Vrolijk y yiunan
† Maria Dolores (Yoyo) Vrolijk y yiunan
† Juan Jacobo (Cobito) y Maria Vrolijk- Croes y yi-
unan
† Cosme Fabio (Fa) y † Maximina Vrolijk- Geerman
y yiunan
Eusebio (Teófilo) y Olga Vrolijk-Kock y yiu
Juan Ireño (Ene) y Chita Vrolijk- Farro y yiunan
Susanna (Chana) y Nicolas Tromp- Vrolijk y yiunan
Norma (Nooi) y Maiky Croes- Vrolijk y yiunan

Suegra(-o):
† Mario (Mai) y Dionisia Kock- Dijkhoff

Swa y Cuñanan:
† Hubert Kock
Guillermila (Mie) y † Silvio Nadall y yiunan
Maickel y Lourdes Kock y yiunan
Swinda y † Juancho Arcaya y yiunan
† Irving (Vinchi) y Shahaira Kock- Maduro y yiunan
Griselda y † Hubert (Hub) Vrolijk y yiunan

Sobрино y sobrinanan, prima y primonan, ihannan,
comer y compernan
Suegro di yiunan manera familia:
Tony y Yolanda Semeleer
Damon y Maritza Habibe
Maria Villegas y Wender Landaeta

Ex compañeronan di Politie Technische Dienst, bisi-
ñanan y demas familia: Vrolijk, Kock, Semeleer, Habibe,
Landaeta, Tam, Wernet, Geerman, Croes, Everon,
Winterdal, Bockhoudt, Farro, Luidens, Gonzales, Mo-
naco, Sulem, Dijkhoff.

Ta invita pa e acto di entierro cu lo tuma lugar Diabierna
30 di mei 2025 di 1:00 pa 4:00 pm na Aurora Funeral
Home despues lo sali pa Santana Catolico na Paradera.

Disculpa nos si den nos tristeza nos por a lubida al-
gun familia, amistad of conocir. Cada un di boso tabata
tin un balor significativo pa nos ser stima. Lamenta-
belmente despues di entierro nos no ta ricibi bishita di
condolencia na cas. Cada mensahe y muestra di aten-
cion ta altamente aprecia.

Avion di patruxa marino di Corea di Sur a cay y mata 4 miembro di tripulacion

(AP) — Un avion di e marina di guerra
Coreano di Sur a cay durante un vuelo di en-
trenamiento diahuebs, matando tur e cuatro
miembro di tripulacion abordo, segun e ma-
rina a confirma.

E avion di patruxa P-3 a sali for di su base den ciu-
dad di Pohang 1:43 p.m., pero a cay pa motibonan
ainda desconoci, segun un declaracion di e marina.
Nan a bisa cu e curpanan di e cuatro tripulante ya
a ser identifica y cu nan ta den proceso pa recupera
nan.



No tin reportahenan inmediato di victima civil
riba tera. E marina a forma un grupo special pa
investiga e accidente y a suspende temporalmente
tur vuelo cu avionnan P-3.

Un oficina di emergencia na Pohang a bisa cu res-
catistanan y trucknan di bombero a ser desplega
na e sitio despues cu residentenan a reporta cu un
avion a cay riba un sero cerca di un complejo di
apartamento y a causa candela.

Poretan a mostra bombero y vehiculonan di
emergencia cerca di e sitio di e accidente, caminda
tabatin candela y huma tabata tapa e matanan. E
equiponan di bombero tabata spuit awa riba loke
ta parce e restonan di e avion.

Den december, un avion di pasahero di Jeju Air
a cay na e Aeropuerto Internacional di Muan den
parti zuid di Corea di Sur, matando tur hende me-
nos dos di e 181 pasaheronan. Esaki tabata un di e
desasternan aereo mas mortal den historia di avia-
cion di Corea di Sur.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forza”.
Salmo: 23

Cu dolor na nos curason,
nos ta anuncia fayecimento di nos ser stima:



Yolanda Filomena Maduro
Cariñosamente yama “Mena”
*06-09-1949 – †26-05-2025

Na number di su:

Rumannan : † Rolando Maduro &
Marlene Maduro-Fradl

Subrinonan : Jacqueline Winterdal
erine Cathalina y familia Anna Arends

Ursin Kelly y familia : Myron Maduro & Kath-
Patrick Maduro y familia
Maury Kelly-Maduro &

Ryan Tromp y familia
Gregory & Rachel Tromp-Peterson y familia
Ryanne Tromp & Mario Rodriguez Prince y familia
Ayudante : Zulaly Niño

Demas amigonan, bon bisiñanan y demas familia.
Maduro, Winterdal, Arends, Fradl, Cathalina, Kelly,
Tromp, Peterson, Rodriguez Prince,
Rasmijn, Stamper, Eckmeyer, de Kort, Refunjol,
Koolman.

Ta invita demas familia, bisiña, amigo- y conocirnan pa
asisti na e acto di despedida cual lo tuma lugar dias-
abra 31 di Mei 2025 di 9 or pa 11 or di mainta na Pray
Funeral Home, sigui pa cremacion den seno familiar.

Dispensa nos si den nos tristesa nos por a lubida otro
miembro di familia, conocirnan of amigonan.

Nos ta lamenta cu despues di entierro lo no por ricibi
bishita di condolencia na cas.

Banco di Desaroyo Africano a eligi economista prominente como presidente pa enfrenta reto financiero

(AP) — Banco di Desaroyo Africano (AfDB) a eligi e economista Mauritano Sidi Ould Tah como su proximo presidente diahuebs, pa guia e institucion principal di financiamiento di desaroyo den region durante un periodo di dificultad, mientras cu sosten for di Merca y otro socionan clave ta keda para.

Tah, 60 aña, a ser eligi pa e comite di gobernadornan di e banco, cu ta inclui ministernan di Finanzas y gobernadornan di banco central for di su 81 pais miembro—tanto regional como no-regional. E lo tuma e puesto dia 1 di september pa un periodo di cinco aña, tumando over e cargo di Akinwumi Adesina di Nigeria, ken lo retira despues di



dos periodo como presidente.

A tuma tres ronda di voto pa yega na un decision entre e cinco candidatonan. Tah a gana cu 76.18% di e voto, sigui pa Samuel Maimbo di Zambia (20.26%), un vicepresidente di Banco Mundi-

al, y ex-minister di Economia di Senegal, Amadou Hott (3.55%).

E voto a tuma lugar durante e reunionnan anual di e banco na Abidjan, Costa di Marfil, caminda temanan como debanan di gobierno y impacto

di clima ta domina e discusionnan.

Observadornan ta considera liderazgo di Tah como crucial pa guia e institucion den un periodo di presion creciente pa economia Africano y un ambiente global di financiamiento di desaroyo cu ta biraando mas estricto.

Mientras cu e institucion ta pasando door di un transicion di liderato, e administracion di Trump ta eliminando sosten clave, incluyendo un recorte di \$555 milyon na e banco. E Cas Blanco a bisa cu e compromiso ey ya no ta cuadra cu e prioridadnan actual di e administracion.

“E rol di AfDB ta mas crucial cu nunca,” segun Bismark Rewane, economista y

CEO di e compania Financial Derivatives Co. basa na Lagos. El a haci un yamado pa “resiliencia Africano” den un tempo caminda “ningun hende ta bay yuda Africa sali pa dilanti.”

“Africa mester cuida mas pa su mes y ta innovador den su manera di pensa pa por progresa,” Rewane a agrega.

Desde 2015, Tah tabata hefe di e Banco Arabe pa Desaroyo Economico den Africa, cu su oficina na Khartoum, Sudan.

Anteriormente, el a ocupa posicionnan halto den gobierno di Mauritania, incluyendo minister di Agricultura y minister di Economia y Desaroyo Rural, y tabata asesor economico pa e presidente.

Pueblo Alpino casi completamente destrui despues cu un glaciar Suiso a collapse

(AP) — Un gran masa di piedra y ijs for di un glaciar a baha cu forza grandi diaranson riba un montaña na Suisa, lansando tera den aire y cubriendo casi henter un pueblo Alpino cu autoridadnan ya tabata evacuando mas prome den luna aki como medida di precaucion.

Video riba red social y television Suiso a mostra e avalancha di lodo cerca di Blatten, den valle di Lötschental den parti zuid, caminda cas y edificionan tabata parcialmente cubri bao di un masa di lodo color bruin. Polis regional a informa cu un homber di 64 aña a ser reporta como desaparecido, y cu nan lo lansa un buskeda p’e usando dronenan cu camara termico.

“Loke mi por bisa awor ta cu aproximadamente 90% di e pueblo ta cubri of destrui, como cu esaki ta un catastrofe grandi cu a sucede aki na Blatten,” segun Stephane Ganzer, hefe di seguridad den e region Valais, cu a papia cy canal di telenoticia local Canal9.

E gobierno regional a bisa den un declaracion cu gran parti di e Glaciar Birch riba di e pueblo a kibra y a causa e avalancha cu tambe a tapa e riu Lonza, creando un



posibilidad cu e awa por keda blokia. “Tin un riesgo cu e situacion por empeora,” Ganzer a bisa, refiriendo na e riu blokia.

El a agrega cu e ehercito a ser desplega despues cu nan a haya indicacion mas prome cu e movimiento di e glaciar tabata acelerando. Durante un conferencia di prensa, minister di Medioambiente Suiso Albert Rösti a lamenta e “evento extraordinario” y a bisa cu e gobierno lo tuma medidanan pa yuda e residentenan cu a perde nan cas.


Durante e ultimo dianan, autoridadnan a duna orden di un evacuacion di aproximadamente 300 persona, y tambe tur bestia,

for di e pueblo pa motibo di preocupacion cu e glaciar di 1.5 milyon meter cubico tabata den riesgo di cay.

Autoridadnan local tabata usa helicopter y tabata desplasa riba e area pa evalua e daño, segun Jonas Jeitziner, vocero di e centro di crisis Lötschental, a conta Associated Press via telefon.

Glaciologonan Suiso a expresa repetidamente nan preocupacionnan tocante ijs cu ta smelt den e ultimo añanan, principalmente atribui na calentamiento global, cu a accelera e retiro di glaciarnan na Suisa.

E pais Alpino tin mas glaciar compara cu tur otro pais den Europa, y a perde 4% di su



volumen total di glaciar den 2023. Esaki tabata e segundo caida mas grandi den un aña despues di un avalancha di 6% den 2022.

Na 2023, residentenan di e pueblo di Brienz, den parti oost di Suisa, a ser

evacua prome cu un gran masa di piedra a baha for di un montaña den cercania, parando net prome cu e por a dal e comunidad. Brienz a ser evacua atrobe aña pasa pa motibo di menasa di un otro avalancha.

Ishiba di Hapon ta adverti contra tensionnan tocante tarifanan di importacion y ta priminti amplia grupo di comercio di Asia-Pacifico

(AP)—Prome minister Hapones Shigeru Ishiba a expresa diahuebs su determinacion pa defende un sistema di comercio multilateral, liber y basa riba regla, y pa traha riba expansion di e grupo principal di comercio di Asia-Pacifico, na un momento cu tin tension tocante tarifanan di importacion imponi pa Merca.

“Tarifanan halto no ta trece prosperidad economico,” Ishiba a bisa durante un cumbre global na Tokio. “Un prosperidad construi riba sacrificianan di otro hende of otro pais no ta forma un economia fuerte.” Hapon ta desea di traha hunto cu Merca riba inversion, creacion di trabao y produccion di productonan di calidad halto pa prosperidad di Merca y



resto di mundo, el a agrega.

Su comentario ta yega mientras cu e negociador principal di tarifa pa Hapon, Ryosei Akazawa, ta bay Washington, D.C. pa un cuarto ronda di negociacionnan pa convence Merca pa elimina tur medida reciente di tarifa.

Te awor Hapon no a logra concesionnan for di Merca y ta considerando, segun reportahenan, compra mas producto agricola y equipo di defensa Mericano como puntonan di negociacion.

Mas despues diahuebs, Ishiba a tuma contacto telefonico cu presidente Mericano

Donald Trump pa alinea riba cierto puntonan prome cu e dialogonan na Washington. “Awor nos tin un comprension mas profundo di otro,” Ishiba a conta periodistanan, aunke e posicion di Hapon tocante e tarifanan no a cambia. El a rechasa duna mas detaye.

Akazawa a conta periodistanan cu e compra di equipo di defensa “por ser considera” durante e dialogonan, pasobra e compranan Hapones ta yuda cu e balansa positivo di comercio pa Merca. Pero el a enfatisa cu e politica di seguridad di Hapon no ta un “negoshi” cu otro pais.

Den su discurso, Ishiba tambe a lansa un yamado na otro pais den Asia—un region global di crecemento—pa demostra “importancia di un orden economico basa riba regla, liber y husto.” E manera pa

demostra esaki, segun e, ta pa promove e Acuerdo Integral y Progresivo pa Asociacion Trans-Pacifico, of CPTPP.

E CPTPP ta inclui 12 pais: Hapon, Reino Uni, Nueva Zelandia, Australia, Brunei, Canada, Chile, Malasia, Mexico, Peru, Singapur y Vietnam. Merca no ta un miembro.

Ishiba a priminti cu Hapon lo sigui traha pa amplia y mehora e estructura di e acuerdo, cu segun e no solamente ta beneficia e economia, pero tambe ta contribui na paz y prosperidad.

Aunke Tokio ta fortalece su lasonan economico cu Zuid-Oost Asia y Europa, Hapon ainda ta considera Merca como su pilar principal den su politica di seguridad.

Rusia ta critica aliado Slavico Serbia pa suministra arma na Ucrania

(AP) — Rusia a lansa un critica fuerte diahuebs pa Serbia pa exporta arma na Ucrania, yamando esaki un “hinca den lomba” di parti su aliado Slavico den region Balcanico cu hopi aña di amistad.

“Empresanan di defensa Serbio, contrario na e ‘neutralidad’ cu Belgrade oficialmente a declara, ta sigui provee municion pa Kyiv,” e Servicio di Inteligencia Exterior di Rusia (SVR) a bisa den un declaracion.

E exportacion di arma for di Serbia pa Ucrania—princi-

palmente municion di caliber di epoca Sovietico cu e defensa Ucrainiano ainda ta usa—tabata un secreto abiertamente conoci y reporta, pero no ta cla pakico e servicio di seguridad Ruso a scoge pa reacciona awor.

No tabatin ningun reaccion inmediato di oficialnan Serbio.

E entrega di arma Serbio pa Ucrania a ser menciona abiertamente desde comienso di 2023, ora cu e prome leaknan tabata sali. E tempo ey, Moscu a priminti pa investiga e situacion. Aunke e ta bisa cu

su meta ta pa trece Serbia den Union Europeo, e presidente populista Serbio Aleksandar Vucic a mantene relacionnan cercano cu Rusia. El a desobedece advertencianan di EU y a asisti na e parada di Dia di Victoria na Moscu.

E bishita di Vucic na Moscu pa e parada di 9 di mei a ser condena na Bruselas, caminda oficialnan di EU a adverti cu esey ta pone e caminda di Serbia pa union cu EU den peligro. Nan a bisa cu no tabata apropiada pa Vucic para banda di presidente Ruso Vladimir Putin, tumando na cuenta e invasion Ruso di



Ucrania.

Vucic a defende su decision pa asisti na e parada militar di Putin, cual ta conmemora e victoria di Segunda Guerra Mundial contra Nazi Alemania, como un esfuerzo pa mantene un “amistad tradicional”—cu Rusia como un pueblo Slavico y Cristian Ortodox—mientras e ta busca entrada den EU.

Serbia, cual ta depende casi completamente riba energia for di Rusia, a rechasa pa uni den e sancionnan Occidental contra Rusia pa motibo di e invasion den Ucrania, y no a sostene mayoria declaracionnan di EU cu ta condena e agresion.

Te awor Rusia tabata keto tocante e reportahenan amplio cu Serbia ta suministra municion na forsanan Ucrainiano, y e declaracion Ruso diahuebs a yega como un sorpresa.

“Un skema simple usando certificado falsifica di usu-

ario y paisnan intermediario ta sirbi como un klechi riba e accionnan anti-Ruso,” e SVR a bisa den su declaracion.

“E contribucion di empleadonan di industria di defensa Serbio na e guerra cu ta ser asota pa e Wes —un guerra cual Europa kier como resulta un ‘derota strategico’ pa Rusia—ta conta na shen miles di granat y tambe un miyon bala pa armanan chikito,” e declaracion a sigui.

“Ta dificil pa hustifica e suministracionnan aki cu ‘consideracion humanitario.’ E tin un meta cla—mata y mutila personal militar Ruso y e poblacion civil di Rusia.”

“Ta parce cu e deseo di empleadonan di defensa Serbio y nan patrocinadonan pa saca ganashi for di sanger di pueblo Slavico fraternal a pone nan lubida completamente ken ta nan amigonan real y ken ta nan enemigonan,” e declaracion Ruso a conclui.

Decoration center
flooring + blinds...

Nos ta anuncia fayecimento di:

MARLON E. U. FLANEGIN

Ruman di nos empleado / colega Nelson Flanegin

Acto di despedida lo tuma lugar na Aurora Funeral Home:

Dialuna 2 Juni 2025
7:00-9:00 PM

*Hopi forza na Nelson y demas famia.
Y cu Marlon su alma sosega na paz.*